

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

APR 15 1952

T 5307 / 1324 02

Made in Japan

唐陸宣公翰苑集卷第二



山右張佩芳蓀圃注釋

新安汪肇龍稚川



程瑤田易田

汪梧鳳在湘

方矩晞原叅訂

制誥

貞元改元大赦制

通鑑貞元元年春丁酉朔放天

門下王者體元

卷八

言一年一月也次丁欽若乎天地纂業承統前漢

公孫卜倪傳贊孝嚴奉乎祖宗用能百神允諧兆庶未

賴立國之本斯其大經朕燭理不明違道招損前漢昭

燭厥理注師古曰燭照也書罔往遭多難淪陷國都天

地宗祧曠而莫主則是欽若嚴奉之義缺矣甚用懼焉

泊復京師白虎通京師者何謂也千里之邑號也京大

日月之徑千里或曰夏曰遠將告謝有司以人力耗斲

夏邑殷曰商邑周曰京師唐書禮樂志

禮物廢墜日居月諸歲聿云暮卜其吉日凡祭祀之節

有六一曰卜日凡大祀中祀無常日者卜小祀則筮皆

于太廟卜日前祀四十有五日卜于廟南門之外布卜

席闌西闕外太常卿立門東太卜正占者立門西卜正

奠龜于席西首灼龜之具在龜北乃執龜立席東北向

太卜令進受龜詣卿示高卿受視已令受龜少退俟命

卿曰皇帝以某日祇祀于某令曰諾遂還席西向坐命

龜曰假爾大龜有常與授卜正龜卜正負東屏坐作龜

與令進授龜示卿卿受反之令復位東向占之不釋龜

進告于卿曰某日梁元帝纂要孟春曰上春

從乃以龜還卜正初春開春發春獻春首春

齊心求懷坐以待曙而百辟卿士抗疏上言咸謂人心

未寧不足以盡敬寇孽猶在不足以告功迫于羣情俯

仰誠願郊祀孔邇瞻言莫從悼心慚顏胡寧自處重以

和平未洽災沴薦臻去歲旱蝗兩河為甚前漢文帝紀

曰蝗即蝻也食苗為災今俗呼為簸蝻唐書五行志興

元元年秋螟蝗自山而東際于海晦天蔽野草木葉皆

帝音堂

盡冬 大旱 人流不息 師出靡居 加之 以徵求 因之 以荒饑 困

窮殍餒轉死 邱墟關輔之間 綱目集覽關中有 冬無積

雪土膏未發 國語號文公曰古者大史順時覘土農祥

昭曰膏 宿麥不滋 前漢武帝紀勸有水災郡種宿麥注

麥 詳思咎徵 書洪範咎徵曰狂恒雨若曰僭恒暘若

為而致兵戎之後 餘祿尚存 左傳吾見赤黑之 獄狂之

中深冤未釋 釋文鄉亭之繫曰犴朝廷曰 又河中淮右

逆將阻兵 唐書方鎮表至德元載置淮南西道節度使

乾元元年 徙治鄭州 二年 淮南西道節度使領申光壽

安沔蘄黃七州 治壽州 上元二年 增領陳鄭潁亳汴曹

宋徐泗九州 徙治安州 號淮西 十六州 節度使 大歷十

四年 賜號淮寧 軍節度 尋更號申光蔡 節度使 謹按河

中謂李懷光 淮右謂李 扞脅齊人 陷之死地 雖欲自雪

希烈 注俱見制誥三卷 厥路無由 抱義銜冤 足傷和氣 此皆由朕 爽德 書故有

雅爽差 播災于人 為之父母 實用愧恥 今元陰已謝 王

也忒也 七釋農功既 春日載陽 勾萌畢伸 幽蟄咸震 爾雅蟄靜

登元陰戒寒 靜處也左傳凡祀啟蟄而郊疏夏 思與海內 同心自新

小正曰正月 啟蟄言始發蟄也 發號更元 用符天意 宐改興元 元年 自正

月一日 昧爽已前 大辟罪已下 已發覺未發覺 已結正

未結正 繫囚見徒 罪無輕重 咸赦除之 先准勅令 量移

收敘人所司據節文速與處分應河中脅從將士多是
奉天赴難功臣本居朔陲左傳虔劉我邊陲夙尚忠節豈以一

夫註誤前漢景帝紀詔曰吳王濞為逆棄其累代勳庸

周禮夏官司勳王功曰勳國功曰功民功曰庸事功曰勞治功曰力戰功曰多朕于此軍尤所

不忍特宐洗滌待以初誠自非與官軍決戰死于鋒刃

其餘雖臨陣擒獲亦從釋放棄逆歸順者在身先有官

爵實封一切如舊仍准前後勅所在便給賞錢并與甄

敘如有因危效節建立殊庸量其事績特加獎擢李懷

光若能翻然悔過束身赴朝念其嘗有大勳必當終始

全護仍准前勅授之官封唐書宰相表建中四年十一月癸巳朔方節度使李懷光

為中書令朔方邠寧同華陝虢河中晉絳慈隰行營兵馬副元帥朕于功臣庶可無負

淮西將吏百姓等皆被劫制久為匪人詢事原情諒非

獲已今王師四合計日誅夷玉石俱焚書火炎崑崗玉石俱焚用

增惻憫宐令諸道進軍之日唯存首惡一人自餘徒黨

悉從原宥如有歸順及立功者並准河中將士例褒獎

夫為國之要在於審官其理分憂守宰彌切闔境性命

繫乎其人將使里閭無愁苦之聲風俗興廉讓之教得

不慎簡髦彥詩烝我髦士傳髦俊也爾雅美士為彥注人所彥詠疏舍人曰國有美士為人所言

道寄之化原自今已後諸州刺史有闕中書門下於朝
官中精擇有理人才術者後漢蔡邕傳墨綬長吏職典理人授之如刺

史縣令在任頻年課績尤異者擢授侍郎給舍郎官御

史唐書百官志吏部侍郎正四品上郎中正五品上侍御史從六品下通鑑音注給舍者謂給事中中書舍

人皆唐正五品官也中外迭處用觀其能賞罰必行期於競勸自

頃選曹署吏唯以書判求人唐書選舉志凡擇人之法有四一曰身體貌豐偉二

曰言言辭辯正三曰書楷法道美四曰判文理優長四

事皆可取則先德行德均以才均均才以勞得者為畱不

得者務騁浮華莫稽實行且能言者不必適用蘊用者

或未能言凡為擇人其在精覈宐令清資常參官每年

於吏部選人中唐六典吏部有三銓法尚書典其一各為尚書銓侍郎分其二為中銓東銓

舉所知一人堪任縣令錄事參軍者唐百官志錄事參軍從七品上通典

錄事參軍掌總錄衆曹文簿舉彈善惡後代刺史有軍

而開府者並置之自後漢有郡主簿官職與州主簿同

隋初以錄事參軍為郡官則并州郡主簿之職矣所司依資敘注擬便于甲歷

之內程大昌曰唐中書門下吏部各有甲歷凡具標舉三庫以若干人為一甲在選部則名團甲

主名銜仍牒報御史臺唐書百官志御史臺大夫一人中丞三人大夫掌以刑法典章

糾正百官之罪惡中丞為之貳通典御史之名周官有之蓋掌贊書而授法令非今任也至秦漢為糾察之任

所居之署漢謂之御史府亦謂之御史臺如到任後政

夫寺亦謂之憲臺後漢以來謂之御史臺尤異者有賊犯事跡著明者所司錄舉官姓名聞奏以

為褒貶其內外員及京城諸使名目委御史審勘會商量并省停減仍集百寮定議務從簡約息費使人其京

官職田

通鑑音注唐文武官有職分田一品十二頃二品十頃三品八頃四品六頃五品四頃六品三頃七品二頃八品一頃九品半頃

百里內之地諸州督都都護親王府官二品十二頃三品十頃四品八頃五品七頃六品五頃七品四頃八品三頃九品二頃

品三頃五品二頃五品十畝鎮戍關津嶽瀆官五品五頃六品三頃七品二頃八品一頃九品半頃

貞觀十一年以職田侵漁百姓詔給逃還貧戶視職田

地租尋以水旱復罷之及息利官錢等唐書食貨志

皆有公廨田供公私之費其後以用度不足諸司置公

廨本錢以番官貿易取息計員多少為月料其後又薄

歛一歲稅以高戶黠吏詆欺前漢劉向傳造端移易疆

畔或貧人轉徙捕繫親隣日月滋深耗弊彌甚亦令百

寮議其折衷擇善而行往以賦役殷繁人不堪命定為

兩稅事額易從

文獻通考德宗時楊炎為相遂作兩稅法夏輸無過六月秋輸無過十一月置

兩稅使以總之凡百役之費先度其數而賦于人量出

制入戶無主客以見居為簿人無丁中以貧富為差不

居處而行商者在所州縣稅三十之一度所取與居者

均使無僥利其租庸雜徭悉省而丁額不廢其田畝之

稅以大歷十四年懇田之數為定而均收之遣黜陟使

按諸道丁產等級舊制三百八十萬五千使按得主

戶三百八十萬客戶三十萬天下之民不土斷而地著

州府除兩稅外應有權宜科率差使一切悉停京畿及近縣所欠百姓和糴價值唐書食貨志貞觀開元後邊

律北抵薛延陀故地緣邊數十州戍重兵營田及地租不足以供軍于是初有和糴牛仙客為相有彭果者獻策廣關輔之糴京師糧稟益羨自是元宗不復幸東都

天寶中歲以錢六十萬緡賦諸道和糴斗增三錢每歲短遞輸京倉者百餘萬斛米賤則少府加估而糴貴則賤價而糴貞元初吐蕃劫盟召諸道兵十七萬戍邊關中為吐蕃蹂躪者二十年矣北至河曲人戶無幾諸道戍兵月給粟十七萬斛皆糴于關中

即勘會給支唐書百官志度支郎中員外郎各一人掌天下租賦物產豐約之宜水陸道涂之利

歲計所出而支調之以近及遠通典度支漢初張蒼善算以列侯主計居相府領郡國上計者謂之計相殆今為度支侍郎諸道非臨寇賊州縣自冬以來點召官

健子弟

通鑑張萬福曰官健常虛費衣糧無所事音注兵農既分縣官費衣糧以養軍謂之官健猶言

官所養健兒也按唐六典衛士之外天下諸軍有健兒舊健兒在軍皆有年限更來往頗為勞弊開元十五年

勅以天下無虞宜與人休息自今以後諸軍鎮量閒劇利害置兵防健兒于諸色征行人內及客戶中召募取

丁壯情愿充健兒長住邊軍者每年加常例給賜兼給

求年優復其家口情愿同者聽至軍州各給田地屋宅

人賴其利中外獲安未無徵發之役此當時言兵並宜

農已分之利而養兵之害卒不可救以至于今

放散任營生業應經陷賊州縣百姓屋宇被焚毀并貧病老弱及遭傷損之類所在量加優恤使得安存天下

名山大川并自古聖帝明王賢臣烈士祠廟墳墓各委當處長吏擇日致祭必資精潔以達志誠文獻通考唐武德貞觀之

制五嶽四鎮四海四瀆年別一祭各以五郊迎氣日祭
 之東嶽岱山祭于兗州東鎮沂山祭于沂州東海于萊
 州東瀆大淮于唐州南嶽衡山于衡州南鎮會稽山于
 越州南海于廣州南瀆大江于益州中嶽嵩山于洛州
 西嶽華山于華州西鎮吳山于隴州西海及西瀆大河
 于同州北嶽恆山于定州北鎮醫無閭山于營州北海
 及北瀆大濟于洛州其牲皆用太牢祀官以當界都督
 刺史充又高宗顯慶三年太尉長孫無忌議祭法申合
 三年一祭以仲春之月祭唐堯于平陽以契配祭虞舜
 于河東以臯陶配祭夏禹于安邑以伯益配祭殷湯于
 偃師以伊尹配祭周文王于豐以蕭何配祭武王于鎬
 以周公召公配祭漢祖于長陵以蕭何配祭天寶六載勅
 三皇五帝宐有欽崇三皇伏犧以勾芒配神農以祝融
 配黃帝以風后力牧配五帝少昊以蓐收配顓頊以夔龍
 冥配帝辛以穆契配唐堯以義仲和叔配虞舜以夔龍
 配仍以春秋二時致享七載詔歷代帝王肇迹之處未
 有祠宇者所由郡置一廟享祭仍取當時將相德業可
 稱者二人配享秦始皇都咸陽李斯王翦配漢高祖起

沛張良蕭何配後漢光武皇帝起南陽鄧禹耿弇配魏
 武皇帝都鄴荀彧鍾繇配晉武帝都故洛陽張華羊祜
 配後魏道武帝起雲中長孫嵩崔元伯配後周文帝
 起馮翊蘇綽于謹配隋文帝封隋高穎賀若弼配又忠
 臣一十六人殷相傅說殷太師箕子宋公微子少師比
 干齊相管夷吾晏平仲晉卿羊舌叔向魯卿季孫行父
 鄭卿子產燕上將軍樂毅趙卿藺相如楚三閭大夫屈
 原漢大將軍霍光大傅蕭望之丞相丙吉蜀丞相諸葛
 亮義士八人吳太伯夷叔齊吳延陵季札魏將段干
 木齊高士魯仲連楚大夫申包胥漢將軍紀信並合郡
 縣長官春秋二時擇日准前致祭顧炎武日知錄唐太
 宗貞觀四年九月詔自古泊于隋室諸有明王聖帝
 及賢臣烈士坵壟可識瑩兆見在者各隨所在條班制
 錄申奏每加巡簡禁絕芻牧春秋二時為之致祭班制
 有差所以序賢也禮記修其班制以與四鄰廩秩有等
 所以明勸也今或高卑失序中外相踰至於卿士之家

尚羅凍餒之患忠信重祿豈其然邪內外官祿及俸錢

手力雜給等

唐書食貨志至德初以用物不足內外官不給料錢郡府縣官給半祿及白直品子

課乾元元年亦給外官半料及職田京官給手力課而已李泌為相又增百官及畿內官月俸復置手力資課

歲給錢六十一萬六千餘緡文官千八百九十二員武

官八百九十六員左右衛上將軍以下又有六雜給一

日糧米二日鹽三日私馬四日手力五日隨身六日春

冬服私馬則有芻豆手力則有資錢隨身則有糧米鹽

春冬服則有布絹絁綿射生神策軍大將軍以委中

下增以鞋州縣官有手力雜給錢然俸最薄者也

書門下度支即參詳定額聞奏應赴奉天及收城將士

等並功存社稷節著艱危中心藏之豈忘酬報頃緣府

藏空竭賞給未周乃眷勳臣實用增愧應准元勅合請

賞錢人委所司節減在官及百司費用據所有財物速

與給付應在京城及諸道立功將士等先有詔旨並許

甄升所司勘會淹歷時月委中書門下即准元勅處分

諸軍行營并河中朝邑被脅從將士家口在京及諸州

府者宜令本道節度觀察使安存賑恤各令優給應諸

軍使立仗

唐書儀衛志衙凡朝會之仗三衛番上分為

日勳仗四日翊仗五日散手仗皆帶刀捉仗列坐于東

西廊下每月以四十六人立內廊閣外號曰內外仗又有

千牛仗皆執御刀弓箭升殿列御座左右內諸門以

排道人帶刀捉仗而立號曰立門仗宣政左右門仗內

仗皆分三番而立號曰交番仗皇帝升御坐內謁者承

旨喚仗左右羽林軍勘以木契自東西閣而入內侍省

九

五品以上一人引之左右衛大將軍將軍各一人押之
 朝罷皇帝步入東序門然後放仗內外仗隊七刻乃下
 常參輟朝日六刻即下宴蕃客日隊下復立半仗于兩
 廊朔望受朝及蕃客辭見加熏稍隊儀仗減半凡千牛
 仗立則全仗立太陽虧昏塵大霧則內見在城將士等
 外諸門皆立仗泥雨則延三刻傳點
 其賜七萬匹制書有未該備所司速比類條件聞奏敢
 以赦前事相言告者以其罪罪之亡命山澤挾藏軍器
 百日不首復罪如初赦書日行五百里遐邇咸知

冬至大禮大赦制

唐書德宗紀貞元元年十一月
 癸卯有事于南郊大赦綱目質

實冬至即日南至也謂日極南至于牽牛則為
 冬至又曰自秋分日行南陸冬至日日南極矣
 故曰日南至今之冬至也杜甫詩注庚
 祀南郊即祀太清宮太廟謂之三大禮

門下君天下者受命於天地繼業於祖宗致其誠心惟

敬與孝違敬莫大乎廢祀虧孝莫大乎黷神朕以眇身

屬承大統縱欲敗度浸生厲階兵連禍深變起都邑六

師播蕩九服震驚

周禮夏官職方氏乃辨九服之邦國
 方千里曰甸服又其外方五百里曰侯

服又其外方五百里曰采服又其外方五百里曰男服

又其外方五百里曰蠻服又其外方五百里曰夷服又

其外方五百里曰鎮服又其外方五百里曰藩服又

其外方五百里曰蠻服又其外方五百里曰夷服又

廟園陵文獻通考唐凡園陵之制皇祖以上至太祖陵
 皆朔望上食元日冬至寒食伏臘社冬一祭皇

考陵朔望及節祭而日進食又薦新於諸陵其物五十
 有六品始將進御所司必先以送太常與尚食滋味薦
 之如宗廟又唐高祖葬獻陵在京兆府三原縣界太宗
 葬昭陵在京兆府醴泉縣高宗葬乾陵在京兆府奉天

縣界中宗葬定陵在京兆府富平縣界睿宗葬橋陵在京兆府奉先縣界元宗葬泰陵在京兆府奉先縣界肅宗葬建陵在京兆府醴泉縣界代宗葬元陵在京兆府富平縣界綱目集覽園謂山陵塋域

逆神人之主將迫周星列聖大業幾墜於地違虧敬孝

罪由朕躬撫臨萬邦甚用自愧側身思咎詩序宣王遇災而懼側身

修行舊唐書太宗紀有星庶補將來股肱元臣比義叶

德爪牙衆士戮力同心誅大憝而都邑廓清翦連寇而

關河底定茲再與王公卿尹洎億兆之人備其盛容修

其禮物兩都賦寢成盛容書修薦誠清廟詩序清廟祀文王也箋清

廟者祭有清明之德者之宮也天德展敬園周禮春官大司

樂凡樂園鍾為宮黃鍾為角大簇為徵姑洗為羽雷鼓雷鼗孤竹之管雲和之琴瑟雲門之舞冬日至於地上

之園古者祀天于南郊而地上之園正者南郊之正也考索正園而高所以象天唐書禮樂志四成而成高八尺一寸下成廣二十丈而五減之至於五丈而十有二陞者

也園正陳謝罪愆告雪憤恥感慕慙惕若無所容上帝顧

懷再新景命詩君子萬年景命有僕豈伊匪德獨荷鴻休北齊五郊樂歌

祖從享來儀鴻休溢千祀思與普天誕膺多福可大赦天下自貞元

元年十一月十一日昧爽已前大辟已下已發覺未發

覺已結正未結正繫囚見徒罪無輕重常赦不原者咸

赦除之左降官量移近處流入及藩鎮效力並即放還

應有痕玷禁錮前後恩赦節文未該及者亦宜洗雪勿
 以為累李希烈僭逆不道誠所難容朕憫念蒼生務息
 征討頻有詔命許其自新若能歸降依前勅待以不死
 淮西管內將士官吏百姓等一切原宥與之如初先有
 官封亦皆復舊如能特建功效者當別抽擢若家口親
 屬在諸道者長吏綏撫各使安存其歸順百姓仍委節
 度觀察使刺史給空閒地任便安居優復終身務令全
 濟待事平已後聽歸本貫天下百姓去年十二月已前
 欠負官稅官租及諸色人逋懸一物已上但不在官典

復內者一切免放內外文武官見任及致仕官三品已

上賜爵三級四品已下加一階天下諸使諸將軍士三

品已上賜爵一級四品已下加一階白身人賜勳三轉

自頃兇渠倡亂逆臣附姦保據國都馮陵甸服書五百里甸服

傳規方千里之內謂之甸服為朕出次郊邑再遷巴梁

天子服治田去王城面五百里通典渝州古巴國秦漢并屬巴郡隋初改渝州煬帝初

州廢置巴郡唐為渝州唐書地理志興元府漢中郡赤本梁州險阻艱難靡不經歷暴亂之後仍彰烈士之功

漢川郡憂危之中方見直臣之節錄勳進善其可弭忘應奉天

興元元年扈從立功並收京城將士食實封者各隨文

武與一子官餘並加兩階仍賜勳三轉其文武百官應
 扈從到興元府者五品已上賜爵一級六品已下加一
 階合入三品五品者不拘考限聽敘唐書選舉志凡居
 中進年勞一階敘每一考中上進一階上下二階上中
 以上及計考應至五品以上奏而別敘六品以下遷改
 不更選及守五品以上官年勞歲其五品已下父母未
 一敘給記階牒考多者準考累加
 經追贈者與追贈應平河中將士即准元勅速與甄獎
 自建中四年以來有身死王事義烈著明未經褒贈者
 本道即具名銜事迹聞奏諸道有解退官健州府長吏
 切務安存仍量以空閒田地給付免其差役任自營生

社稷之勳以輔興王業統帥之任以總制戎麾

崔豹古

所以指麾武王右執白旄以麾是也又黃希

參衰職者

其德崇

詩衰職有闕維仲山父補之傳有衰冕者君之

闕輒能補之

授旄節者其功大

葉石林燕語節度使旄

者仲山甫也
 一麾鎗一豹尾二凡八物旗以紅繒為之上為塗金銅
 龍頭以揭旄如木盤節以金銅葉為之盤加紅絲為龍
 旄麾鎗亦施木盤豹尾畫豹文皆以髹梓為杠旗則方
 綢以紅繒節及麾鎗則綢以碧油故謂之碧油紅旄

鎮乃國之垣翰禁衛實予之爪牙

通典高祖置十二軍

右驍左右武左右威左右領軍左右金吾左右監門左
 右千牛凡十六衛大將軍各一人將軍總三十人左右
 千牛衛各一人餘衛各二人貞觀二年九月勅今十六
 衛各宜置上將軍一人唐書百官志左右衛掌宮禁宿

衛左右驍左右武左右威左右領軍掌同左右衛金吾掌宮中京城巡警監門掌諸門禁衛千牛掌侍衛尹

京實賴於肅清唐書百官志開元元年改京兆主計尤

資於辦集唐書百官志度支掌天下租賦物產歲計所出而支調之所頒慶澤宐越

常倫司徒兼中書令晟宐與一子五品正員官並四品

階諸道副元帥文獻通考唐制有天下兵馬元帥副元帥掌征伐兵罷則省乾元二年以趙王

係為天下兵馬元帥李光弼為副元帥廣德元年吐番

入寇復以雍王為關內元帥郭子儀為副元帥建中四

年以李希烈反置諸道行營兵馬都元帥與一子六品正員官中書門下平

章事充節度使唐書百官志貞觀八年僕射李靖以疾辭位詔疾小瘳三兩日一至中書門下

平章事而平章事之名蓋起於此永淳元年以黃門侍郎郭待舉兵部侍郎岑長倩等同中書門下平章事平

章事入銜自待舉等始自是以後終唐之世不能改通

典唐侍中中書令是真宰相餘以他官參掌者無定員

但加同中書門下三品及平章事知政事參知機務參

與政事及平章軍國重事之名者並為宰相謹按充節

度使宰相兼領節度使也唐自開元後宰相常各與一

領他職百官志云時方用兵則為節度使是也

子七品正員官節度使及神策兵馬使唐書兵志上元

衛伯玉為神策軍節度使鎮陝州中使魚朝恩為觀軍

容使監其軍初哥舒翰破吐番臨洮西之磨環川即其地置神策軍以成如璆為軍使及安祿山反如璆以伯

玉將兵千人赴難伯玉與朝恩皆屯於陝時邊土陷蹙神策故地淪沒即詔伯玉所部兵號神策軍廣德元年代宗避吐番幸陝朝恩舉在陝兵與神策軍迎扈悉號神策軍天子幸其營及京師平朝恩遂以兵歸禁中自將之來泰元年吐番復入寇朝恩又以神策軍屯苑中自是寢盛分為左右廂勢居北軍右遂為天子禁軍非他軍比綱目質實神策軍名本秦隴西郡地後魏始築

城置鎮隋置華亭縣屬安定郡唐六軍統軍唐書百官志左右龍

武軍統軍各一人左右神武軍統軍各一人皆正三品金吾六軍大

將軍判度支侍郎續通典宋白曰故事度支案郎中判

銜不言專判度支開元以後時事多故遂有他官來判

者乃曰度支使或曰判度支或曰知度支事或曰勾當

度支使雖稱不同其各與一子八品正員官都團練都

防禦等使唐書百官志武后聖歷元年以夏州都督領

置防禦守捉使通典自至德以來天下多難諸道皆聚

兵增節度使為二十餘道其非節度使者謂之防禦使

以採訪使並領之採訪理州縣防禦理軍事後又京兆

改防禦使為都團練守捉使皆主兵事而無旌節

河南尹唐書地理志河南府河南郡本洛州開元元年

為府百官志西都東都北都鳳翔成都河中江

陵興元興德府尹各一人從三品分注武德元年雍州

置牧一人以親王為之然常以別駕領州事未徽中改

尹曰長史開元元年改京兆河南府長金吾六軍將軍

史復為尹通判府務牧缺則行其事

殿前射生兵馬使唐書兵志至德二載擇便騎射者置

又曰殿前射生手分左右各與一子九品正員官多難

廂總號曰左右英武軍

以來三十餘載克平禍亂屬在戎臣或節著艱危或勳

高戰伐受任雖專於總帥成功亦賴於羣材懋賞推恩

書德懋懋官宜加裔嗣諸道大將功業崇高者各與一

功懋懋賞

子官本使即詳定錄名聞奏副元帥都統兼節度下

唐書

百官志分注天寶未置天下兵馬元帥都統朔方河東

河北平盧節度使招討都統之名始於此通典乾元中

帝音堂

卷之二十一

十五

帝音堂

置都統使監總管諸道或領三道或領五道皆古方岳牧伯之任也每道各二十人都團

練都防禦使下各十人如大將子孫之中有藝業優長

性行純確者本使具狀聞薦唐書百官志下之達上其制有六一曰表二曰狀

仍量事資給令赴上都朕當隨材授官以充侍衛庶使

忠臣之後與國無窮故尚父子儀劉向別錄師之尚之父之故曰師尚父唐

書宰相表大歷十四年閏五月甲申子儀加尚父兼太尉中書令先朝元勳再復京邑

唐書肅宗紀至德二載閏七月丁卯廣平郡王俶為天下兵馬元帥郭子儀副之以朔方安西回紇南蠻大食

兵討安慶緒九月癸卯復京師慶緒奔於陝郡十月戊申克陝郡壬子復東京慶緒奔於河北贈太尉

秀實以死為國節冠古今宜令與子孫一人五品正員

官自至德以後肅宗年號節度使大將有忠烈績效著明其

後淪翳者所司即條錄聞奏與子孫一人正員官諸色

人應在賊中潛奉神主曲禮疏云五經異義主狀正方穿中央達四方天子長尺二寸

諸侯長一尺按後漢禮儀志桑木主尺二寸不書諡又按杜佑通典神主之制有匱有趺其匱底蓋俱方底自

下而上蓋從上而與底齊頃已甄賞宜便賜優崇三品已上賜爵一

級四品已下加一階江淮轉運使唐書食貨志轉運使掌外度支使掌內

檢校左僕射同中書門下平章事韓滉唐書韓滉傳滉宰相韓休子

勵精勤職夙夜在公漕輓資儲千里相繼前漢張良傳河渭漕輓天

下西給京師注師古曰輓引也輓音晚唐書韓滉傳調發糧帛以濟朝廷者繼屬當時實賴之事無憊

素人不告勞拯於凶灾厥有成績可進封晉國公

唐書百官

志凡爵九等三日國公食邑三千戶從一品

關畿之內連歲興戎薦屬天灾

稼穡不稔穀糴翔貴烝黎困窮倉廩空虛莫之賑贍每

一興念憫然痛心宜令度支取江西湖南

通鑑音注江西謂江南西

道唐書方鎮表廣德二年置湖南都團練守見運到襄

州米十五萬石

唐書地理志襄陽郡屬山南道宋白曰

陽郡地魏置襄陽郡以其地在襄山之陽也江左置雍州西魏改襄州

設法般赴上都以

救百姓荒饑如山路險阻車乘難通仍召貧人令其般

運以米充脚價務於全活流庸

綱目正誤庸與傭同謂流移他處及傭作於人

者

庶事優饒副朕勤恤立國之道始於親親所以厚骨

肉之恩明教化之本况薦經艱故宗族漂淪敦睦之情

有加常典大長公主長公主公主

唐書百官志皇姑為大長公主正一品姊

為長公主女為公主皆視一品初學記天子嫁女於諸侯天子至尊不自主婚必使諸侯同姓者主之始為之

公主秦代因之亦曰公主漢制帝女為公主帝姊各與

一子七品官嗣王郡王

唐書百官志皇兄弟皇子皆封國為親王皇太子子為郡王親

王之子承嫡者為嗣王諸子為郡公以恩進者封郡王

亦封郡主縣主

唐書百官志皇太子女為郡主從二品各與一

子官出身應陪位皇親五等已上諸親三等已上者

百官志凡親有五等一曰皇帝周親皇后父母視三品
二曰皇帝大功親小功尊屬太皇太后皇太后皇后周
親視四品三曰皇帝小功親總麻尊屬太皇太后皇太
后皇后大功親視五品四曰皇帝總麻親祖免尊屬太
皇太后皇太后皇后小功親五曰皇帝祖免親太皇太
后小功卑屬皇太后皇后總麻親視六品皇帝親之夫
婦男女降本親二等餘親降三等尊屬進一等降而過
五等者不為親諸王大長公主長公主親視本品嗣王
郡王非三等親者亦視三品已上賜爵一級四品五品
加一階六品已下及常選官散官等簡選日優與處分

未出身人量授文武散官

通鑑自開府儀同三司至將仕郎二十八階為文散官驃

騎大將軍至陪戎副衛二十一階為武散官

如宗子中有德行才能宗正卿

唐書百官志宗正寺卿一人從三品少卿二人從四品初學記宗正卿周官也選宗中之而董正之謂之宗正

秦漢因之晉曰大具名聞奏當別獎任致理之本在乎宗正唐曰宗正卿

審官審官之由資乎選士將務選士之道必精養士之

方魏晉已還澆風未革國庠鄉校

學記黨有庠疏於黨中立學教閭中所升

者也前漢平帝紀郡國曰學侯國曰校

唯尚浮華選部禮闈

通典漢靈帝改吏曹為選

部唐書選舉志開元二十四年考功員外郎李昂為舉人詆訶帝以員外郎望輕遂移貢舉於禮部以侍郎主之禮部選士自此始不稽實行學非為己官必徇人法且非精弊

將安救宐令百寮詳思所宐各修議狀中書門下參較

得失擇善而行有虞建官三載考績

書三載考績

在漢為吏

或長子孫

前漢王嘉傳文帝時吏居官者或長子孫以官為氏倉氏庫氏則倉庫吏之後也食貨志

為吏者長子孫注如淳曰時無事吏蓋吏久於官則人

情不苟官久於事則理化有成日者制度廢隳考課乖

舛唐書百官志凡百司之長歲較其屬功過差以九等

二曰清慎明著三曰公平可稱四曰恪勤匪懈善狀之

外有二十七最一日獻可替否拾遺補闕為近侍之最

二曰銓衡人物擢盡才良為選司之最三日揚清激濁

褒貶必當為考校之最四曰禮制儀式動合經典為禮

官之最五日音律克諧不失節奏為樂官之最六曰決

斷不滯與奪合理為判事之最七日部統有方警守無

失為宿衛之最八曰兵士調習戎裝充備為督領之最

九曰推鞠得情處斷平允為法官之最十日讞校精審

明於刑定為校正之最十一曰承旨敷奏吐納明敏為

宣納之最十二曰訓導有方生徒充業為學官之最十

三日賞罰嚴明攻戰必勝為軍將之最十四曰禮義興

行肅清所部為政教之最十五曰詳錄典正詞理兼舉

為文史之最十六曰訪察精密審彈舉必當為糾正之最

十七曰明於勘覆稽失無隱為句檢之最十八曰職事

修理供承疆濟為監掌之最十九曰功課皆充丁匠無

怨為役使之最二十曰耕耨以時收穫成課為屯官之

最二十一曰謹於蓋藏明於出納為倉庫之最二十二

曰推步盈虛究理精密為歷官之最二十三曰占候醫

卜效驗多者為方術之最二十四曰檢察有方行旅無

壅為關津之最二十五曰市廛弗擾姦濫不行為市司

之最二十六曰牧養肥碩蕃息孳多為牧官之最二十

七日邊境清肅城隍修理為鎮防之最一最四善為上

上一最三善為上中一最二善為上中職事粗理善最

不聞為中上無最而有一善為中中職事粗理善最

不聞為中下愛憎任情處斷乖理為下上背公向私職

務廢闕為下中居官飾詐貪濁有狀為下下凡定考皆

集於尚書省唱第淹速靡準升降無名欲令庶僚何以

懲勸自然後奏

今以後刺史縣令未經三考不得改移自餘非在職績

然後奏

淹速靡準升降無名欲令庶僚何以懲勸自

然後奏

今以後刺史縣令未經三考不得改移自餘非在職績

然後奏

效殊尤亦不得越次遷轉刺史停替須待魚書唐書車服志初

高祖入長安罷隋竹使符班銀菟符其後改為銅魚符以起軍旅易守長京都畱守折衝府捉兵鎮守之所及左右金吾宮苑總監牧監皆給之畿內則左三右一畿外則左五右一左者進內右者在外用始第一周而復始又隨身魚符者以明貴賤應召命左二右一左者進內右者隨身皇太子以玉契召勘合乃赴親王以金庶官以銅皆題其位姓名官有貳者加左右皆盛以魚袋三品以上飾以金五品以上飾以銀刻姓名者去官納

之不刻者傳佩相付有傳符銅魚符者給封符印發驛封符及封魚函用之有銅魚而無傳符者給封函還符封函用之又魚契

所降皆有勅書內外五品以上及常參官在任年考

已深者即量才效用與改中外迭處以觀其能夫明目

達聰書明四目務廣聞見或慮懷才抱器輸忠納諫之

倫地處幽遐無由自達求言於此夢想不忘應諸色人

有長策濟時忠規匡主任具陳所見詣所居之州委刺

史畧與討論觀其旨趣但有裨治道不涉私情便與附

驛遞送唐書百官志凡三十里有驛驛有長舉天下四方之所達為驛千六百三十九阻險無水草鎮

戍者視路要隙置朕當親覽自立兩稅經今百年或初

定之時已有偏併或戶口減耗舊額猶存輕重不均流

亡轉甚委度支即折衷條理以郵困窮古者雖有水旱

人無菜色皆儲蓄不匱勸導有方前代所置義倉通典隋開

皇五年長孫平奏令諸州百姓及軍人勸課當社共立義倉收穫之日隨其所得出粟及麥於當社造倉窖貯

倉

倉

倉

之若時或不熟當社卽以此穀賑給自是諸州儲峙委積十五年詔曰本置義倉止防水旱百姓之徒不思久計輕爾費損國初亦循其制備災救乏甚便於人唐書食貨

志貞觀中尚書左丞戴胄建議自王公以下計墾田秋熟所在爲義倉歲凶以給民太宗善之乃詔畝稅二升粟麥杭稻卽宜準貞觀故事天下所墾見田上自王公隨地所宜

下及百姓每豐稔之歲秋夏兩時州縣長官以理勸課據頃畝多少隨所種粟豆稻麥隨便貯納以爲義倉如年穀不登卽量取賑給官司但爲其立法勸諭不得收管仍各委本道觀察使隨便宜處置聞奏敦本厚生必資播殖當今所切莫甚於斯自今百姓有墾闢田疇加

於常歲者所加之地不得輒徵租稅刺史令長考課亦

以本界墾田多少爲殿最前漢宣帝紀丞相御史課殿

殿後也課居後也最凡今年蝗旱損甚州府開春之後

量給種子使就農功天下應荒閒田有肥沃堪置屯田

處委當管節度使觀察都團練都防禦等使刺史審細

檢行以諸色人及百姓情愿者使管佃如部署精當收

穫數多本道刺史特加褒升唐書食貨志唐開軍府以

下屯總九百九十二司農寺每屯二頃州鎮諸軍每屯五十頃水陸腴瘠播殖地宜與其功庸煩省收率之多少皆決於尚書省凡屯田收多者褒進之歲以仲春屯藉來歲頃畝州府軍鎮之遠近上兵部度便宜遣之

田等節度優賞如是逃戶田地本主復業即却給還輦

轂之下通鑑釋文輦者輻所湊也京都四方所輻湊以輦輦取喻四方會同供應既

多難為準定急賦繁役人何以堪宜令京兆尹與度支

計會長安萬年兩縣通鑑音注長安萬年並居京城為

東五十四坊長安縣治長赤縣萬年縣治宣揚坊領朱雀街每季各先支貯備錢五千貫

文於縣庫收納定清幹官專知文獻通考乾元元年勅

一萬貫每月收利以充和雇時祠祭及蕃夷賜宴別設

皆長安萬年人吏主辦二縣置本錢配納質積戶收息

以供費諸使捉錢應緣卒須別索及雜供擬并工匠等

者給牒免徭役

縣令與專知官先對給價錢季冬之後申度支勘會所

是和市和雇並須先給價錢兩稅外一物已上不得科

配百姓御史臺朝廷紀綱尚書省治化根本通典秦時

四人在殿中主發書故謂之尚書尚猶主也至後漢則

為優重出納王命敷奏萬機蓋政令之所由宣選舉之

所由定罪賞之所由正斯乃文昌天府眾務淵藪內外

所折衷遠近所稟仰故李固云陛下之有尚書猶天之

有北斗斗為天喉舌尚書亦為陛下喉舌斗斟酌元氣

運平四時尚書出納王命賦政四海漢尚書謂之尚書

臺唐為尚書省都堂居中左右分司都堂之東有吏部

戶部禮部三行每行四司左司統之都堂之西有兵部

刑部工部三行每行四司右司統之凡

二十四司分曹共理而天下之事盡矣

百度得失繫乎

其人自頃制勅頒行所司多不遵守王臣奉職豈所宜

然委御史臺左右丞唐書百官志尚書省左丞一人正

四品上右丞一人正四品下通典

唐書百官志

尚書省左丞一人正

四品上右丞一人正

四品下

通典

唐書百官志

尚書省左丞一人正

四品上右丞一人正

四品下

通典

唐書百官志

尚書省左丞一人正

四品上右丞一人正

四品下

通典

唐書百官志

尚書左右丞秦置尚書丞一人屬少府漢成帝置丞四人及後漢光武始減其二隋左右丞掌分尚書諸司糾駁唐因隋制龍朔二年改為左右肅機左丞掌管轄諸司糾正省內勾吏部戶部禮部等十二司通判都省事右丞掌管兵部刑部工部切糾稽違無壅朕命南郊太

清宮通鑑音注唐會要太清宮薦享聖祖元元皇帝奏混成紫極之樂又太清宮在丹鳳門之左南出第

東第二街北來朱雀街之太廟應職掌行事官郊廟攝將

軍中郎郎將唐書百官志左右衛上將軍各一人大將宿衛仗非上日亦將軍一人押仗將軍缺以中郎將代

將軍掌貳上將軍之事又五府每府中郎將一人正四

品下左右郎將及畱守副畱守唐書百官志初太宗代一人正五品上高麗置京城畱守其後

車駕不在京都則置畱守以右金吾大將軍為副畱守開元元年改京兆河南府長史復為尹十一年太原府

亦置尹及少尹以尹為畱守少尹為副畱守謂之三都畱守內定行從官三品已上

各賜爵一級四品已下加一階並賜勳兩轉其諸色支

供作官司直長上唐六典凡應宿衛官各從番第諸衛將軍中郎將郎將及諸衛副率率千

牛備身備身左右太子千牛并上折衝果毅應宿衛者

並一日上兩日下諸色長上若司階中候司戈並五日

上十日下流外灼然要職掌者並賜勳兩轉行事室長

上時掌翻掌坐齋郎唐書百官志兩京郊社署有齋郎百一十人齋郎掌供郊廟之役太廟九室室有長三人

以主樽壘篚冪鑰鑰郊壇有掌座二十四人以主神御之物皆禮部奏補凡室長一年掌座十二年皆授官

禮生贊者減二年勞無勞可減者簡選日優與處分崇賢館學生見在者減帖策各一道唐書百官志開元二十五年置崇元學於

元元皇帝廟天寶元年兩京置博士助教各一員學生百人二載改崇元學曰崇賢館博士曰學士助教曰直學士國子監陪位學生通典唐西京國子監領六學一曰徒五百人三曰四門學生徒千三百人四曰律學生徒五十人五曰書學生徒三十人六曰算學生徒三十人凡二千二百一十人賜勳一轉介公鄴公通鑑開皇元年生徒皆尚書省補二月廢周主闡為介公唐書高祖紀武德元年各與一子官如無子孫六月乙酉奉隋帝為鄴國公

賜物一百匹神策六軍殿前左右射生英武唐書兵志殿前射生

手分左右廂總號威遠通鑑音注據舊郭子儀傳肅宗曰左右英武軍威遠等禁軍及諸鎮之師取范陽既而

都統令帥英武威遠等禁軍及諸鎮之師取范陽既而為魚朝恩所沮不行則威遠軍肅宗置也至德宗時以左右威遠營隸鴻臚賈耽以鴻臚卿兼威遠軍使至元和二年勅左右威遠營置來已久著在國章其英武軍

並合并入左右威遠營其後遂以宦官為使不復隸鴻臚宋白曰左右威遠營本屬鴻臚寺建中元年七月隸金皇城通鑑音注唐六典皇城在京城之中東西五里

吾皇城中朱雀左曰安上右曰含光東面二門北曰延喜南曰景風西面二門北曰安福南曰順義其中右社稷左宗廟百僚解署列乎其間唐自開元以前以城左右門郎掌皇城諸門開闔之節中世以後置皇城使左右

金吾街使將士唐書百官志左右衛使掌分察六街徼巡凡城門坊角有武侯鋪衛士曠騎分

守大城門百人大鋪三十人小城門二十人小鋪五人日暮鼓八百聲而門閉乙夜街使以騎卒循行詈譁武

官暗探五更二點鼓自內發諸街鼓承應緣大禮宿衛振坊市門皆啟鼓三千搗辨色而止

御樓立仗通鑑音注唐初天子居西內肆赦率御承天門樓自高宗以後天子居東內肆赦率御丹

鳳門樓凡御樓肆赦六軍十二衛皆有恩賚劉及守本温叟曰故事非肆大省不御樓軍數皆有恩給

庫本營者其賜物若干端疋天灾作沴深儆予衷跼踖
 憂慚罔知攸措今穀價騰踊人情震驚鄉閭不居骨肉
 相棄流離殞弊所不忍聞公私之間廩食俱闕既無賑
 恤又復徵求財殫力竭繼以鞭箠弛征則軍糧乏贍厚
 取則人何以堪念茲困窮痛切心骨思所以濟浩無津
 涯補過實在於增修救患莫如於息費致咎之本既由
 朕躬謝譴之誠宜自朕始宜令尚食通典始秦置六尚
 謂掌天子之物曰尚唐書百官志殿中省監尚食局奉
 御二人直長五人食醫八人奉御掌儲供直長為之貳
 進御必辨時禁先嘗之饗百官賓客則與光祿視品秩
 而供凡諸陵月享視膳乃獻內侍省監尚食局尚食二

本殿

人掌供膳羞品齊總司膳司所進御膳每食各減下一
 醞司藥司饌凡進食先嘗

半應宮人等每月惟供給糧米一千五百碩飛龍廐馬

唐書百官志飛龍廐日以八馬列宮門之外號南衙立
 仗馬仗下乃退大陳設則居樂縣之北與象相次通鑑
 音注飛龍廐仗內六間之一
 也程大昌曰在元武門外從今已後至三十日已前

並減一半料京兆府應差料百姓及和市和買等諸色
 目事無大小一切並停公私債負容待蠶麥熟後徵理

[Faint bleed-through text from the reverse side of the page]

唐陸宣公翰苑集卷第三

山右張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

貞元九年冬至大禮大赦制

唐書德宗紀貞元九年十一月癸未朝獻

於太清宮甲申朝享於太廟乙酉有事於南郊大赦文獻通考德宗在位二十六年親祀南郊

四建中元年正月五日貞元元年十一月十一日
一日六年十一月八日九年十一月十日

門下朕以寡德屬當大統皇天眷祐俾主兆人懼不克承夙夜祇畏緬懷前烈致於昇平予心浩然罔知攸濟小大之務曷嘗不勤芻蕘之言亦莫不敬慮每存於致理志常在於恤人中宵屢興終食累歎一事乖張怒焉疚懷一夫罹殃惻若傷體思與海內同臻太和易保合太和息其生業降心從衆實匪有辭克己利人誠無所恡然以視聽有極思慮難周况乎長自深宮安於近習損益之理寧免過差幽遠之情固多未達由是兢兢砥礪悔

往脩來燭理所患於不明推心庶幾於無負日慎一日

於今十有五年矣上靈降鑒詩商頌天命降監箋降下也多士叶誠

五稼屢豐書土爰稼穡疏種穀曰稼若嫁女之有所生周禮天官疾醫以五味五穀五藥養其病注

麻黍稷麥豆又夏官職方氏豫州其穀宜五種注黍稷菽麥稻四鄙不擾方鎮輯睦干

戈底寧邊壘繕完殊方欵附協天地會昌之運蜀都賦天帝運

期而會昌景福肸蠁而興作實宗社無疆之休慶既荷於元功禮有

昭於大報禮記郊之祭也迎長日之至也大報天而主日也矧惟霜露之感永

切孝思禮記霜露既降君子履之必有悽愴之心非其寒之謂也春雨雨露既濡君子履之必有怵惕之

心如將禮記禋燎之儀每勤精意綱目集覽燎力名反馬融曰祭時積柴加牲其上而

燎之先祭于將申誠敬其在躬親是與公卿大夫虔奉

位告于天也書微子傳色純曰犧牛羊豕曰牲唐書禮樂志昊

犧牲上帝蒼犢五方帝方色犢大明青犢夜明白犢

神州地祇黑犢配帝之犢天主璧周禮春官宗伯以蒼

以蒼地以黃神州以黑皆一璧禮天注禮神者必

象其類璧圓象天又典瑞職四圭有邸以祀天旅上帝

鄭司農注於中央為璧圭著其四面一玉俱成唐書禮

樂志冬至祀昊天上帝以蒼璧上辛明堂以四圭有邸

又云正月上辛按大宗伯職蒼璧禮天鄭注此禮天以

冬至疏云是冬至祭天圜正者典瑞職四圭有邸以祀

天鄭注祀天夏正郊天也又鄭注郊特牲云易說曰三

王之郊一用夏正夏正建寅之月也然則唐之祀天一

本周禮周禮祀天二王鄭注分明如此後人猶惑焉則

取唐書禮樂志此條還以相證可也又唐人正陳其文

月上辛祀天本郊特牲周之始郊日用辛文也陳其文

物薦其馨香類秩於泰壇禮記燔柴于泰壇祭天也陳

氏禮書曰泰壇南郊之壇也

以之燔柴泰折北郊之坎也以之瘞埋言壇則知泰折

之為坎言折則知泰壇之為園言泰則大之至也言壇

折則人朝享於清廟周禮春官司尊彝職凡四時之間

為之也於廟春秋傳曰閏月率職來助萬邦攸同備物致嚴百

不告朔猶朝於廟禮具舉誠慕獲展神人允諧明發永懷

感斯集純嘏所錫詩純嘏爾常矣豈惟朕躬思俾普天

均承惠澤可大赦天下貞元九年十一月十日昧爽已

前繫囚見徒大辟已下罪無輕重咸赦除之其見於官

辯對者亦並放免官人犯入已贓不可令其却上已後

勿以為累左降官及流人並量移近處其官已經量移

均承惠澤可大赦天下貞元九年十一月十日昧爽已

前繫囚見徒大辟已下罪無輕重咸赦除之其見於官

辯對者亦並放免官人犯入已贓不可令其却上已後

勿以為累左降官及流人並量移近處其官已經量移

均承惠澤可大赦天下貞元九年十一月十日昧爽已

前繫囚見徒大辟已下罪無輕重咸赦除之其見於官

辯對者亦並放免官人犯入已贓不可令其却上已後

勿以為累左降官及流人並量移近處其官已經量移

均承惠澤可大赦天下貞元九年十一月十日昧爽已

前繫囚見徒大辟已下罪無輕重咸赦除之其見於官

辯對者亦並放免官人犯入已贓不可令其却上已後

勿以為累左降官及流人並量移近處其官已經量移

均承惠澤可大赦天下貞元九年十一月十日昧爽已

前繫囚見徒大辟已下罪無輕重咸赦除之其見於官

辯對者亦並放免官人犯入已贓不可令其却上已後

勿以為累左降官及流人並量移近處其官已經量移

均承惠澤可大赦天下貞元九年十一月十日昧爽已

前繫囚見徒大辟已下罪無輕重咸赦除之其見於官

辯對者亦並放免官人犯入已贓不可令其却上已後

勿以為累左降官及流人並量移近處其官已經量移

未復資者還其階爵竄謫遐裔冀速沾恩比者准制量
 移所司比例申牒屢加盤覆累涉歲年既甚淹遲且不
 均一宜令吏部刑部唐書百官志刑部尚書一人正三
 品侍郎一人正四品下掌律令刑
 法徒隸按覆讞禁之政其屬有四一日
 刑部二曰都官三曰比部四曰司門 審勘檢本流貶
 及量移勅旨比類元犯事狀輕重兩月內與處分外文
 武見任及致仕家居并諸軍諸使將士等三品已上賜
 爵一級四品已下加一階應百姓自置義倉仍准貞元
 元年十一月十一日制處分立人之道惟孝與忠孝莫
 大於榮親忠莫先於竭節惟爾師長卿校洎平方嶽列

藩保又皇家交脩庶績竭節之效既昭乃誠榮親之恩

宜洽國典內外文武清望職事官并節度觀察都防禦

都團練經略等使

唐書百官志武德初邊要之地置總
 管以統軍加號使持節蓋漢刺史之

任七年改總管曰都督總十州者為大都督貞觀二年

去大字其后都督加使持節則為將諸將亦通以都督

稱唯朔方猶稱大總管邊州別置經畧使文獻通考唐

貞觀二年邊州別置經畧使此蓋使名之起節度兼支

度營田招討經畧使則有副使判官各一人儀鳳二年

以黑齒常之為河源軍經畧大使永淳元年婁師德為
 河源軍經畧副使至德三年賀蘭進明除嶺南五府經
 畧兼節度使建中元年除元琇節度始不合五府經畧
 父在未有官量授檢校五品官母在未有邑號者各封
 邑號父母亡沒者量與追贈已經追贈者更與改贈佐

運之臣納忠之輔功既存於社稷慶宐及於子孫故周錫田土漢傳帶礪史記高祖功臣侯年表序封爵之誓曰使河如帶泰山若礪國以永寧爰及苗裔注帶衣帶也厲砥石也河當何時如衣帶山當何時如厲石言如帶砥國乃絕耳疇其爵邑

與國終始以明報德之恩勸為臣之節其或年代未遠

利澤猶存祠宇已變於荒墟亂嗣不編於仕籍思其人

猶愛其樹左傳詩云蔽芾甘棠勿剪勿伐召伯所茇思其人猶愛其樹况用其道而不恤其人乎

况奠享乏主而不加省錄者乎與滅國繼絕代所以禮

先賢也脩宗廟敬祀事所以教追孝也化俗歸厚此其

大端應九廟配享功臣通典盤庚云茲予大享於先王爾祖其從與享之周制夏官司

勳掌六鄉賞地之法以等其功王功曰勳國功曰功民功曰庸事功曰勞理功曰力戰功曰多凡有功者銘書於王之太常祭於大烝司勳詔之大功司勳藏其貳漢制祭功臣於庭魏高堂隆議曰功臣配食於先王象生時侍讌讌禮大夫以上皆升堂以下則位於庭議者欲從漢氏祭之於庭此為貶損非寵異之謂也周志曰勇則害上不登於明堂共用謂之勇言有勇而無義死不登堂而配食此即配食之義位在明堂之明審也下為北面三公朝立之位耳讌則脫履升堂不在庭也唐貞觀十六年有司言禮功臣配享於朝庭禘享則不配依

令禘祫之日功臣并得配享集禮官學士等議禘及時享功臣皆不應享故周禮六功之官皆配大烝而已先儒皆以大烝為禘竊以五年再殷合諸天道之大小小則人臣不與大則兼及有功禮禘無配功臣誠不可易從之又通典載開元禮享日未明一刻大廟令布功臣

神座於太廟之庭諸座各設版於座首其版文各具體官爵姓名文獻通考高祖廟六人淮安靖王神通河間元王孝恭殷開山劉政會裴寂劉文靖太宗廟七人房

元王孝恭殷開山劉政會裴寂劉文靖太宗廟七人房

元齡高士廉屈突通魏徵長孫無忌李靖杜如晦高宗廟六人李勣張行成馬周褚遂良高季輔劉仁軌中宗廟八人桓彥範敬暉張柬之崔元暉袁恕己狄仁傑魏元忠王同皎睿宗廟二人蘇瓌劉幽求元宗廟三人張說郭元振王琚肅宗廟二人苗及武德高祖以來將相晉卿裴冕代宗廟一人郭子儀

名節特高有封爵廢絕祠廟無主者宜許子孫一人紹

封以時享祀自今以後應有家廟子孫唐書禮樂志諸臣之享其親廟

室服器之數視其品開元十二年著令一品二品四廟

三品三廟五品二廟嫡士一廟庶人祭於寢及定禮二

品以上四廟三品三廟三品以上不頒爵者亦四廟四

廟有始封為五廟四品五品有兼爵亦三廟六品以下

達於庶人祭於寢天寶十載京官正員四品清望及四

品五品清官聽立廟勿限兼爵雖品及而建廟未逮亦

聽寢但傳襲封爵者並許享祔於廟唐書禮樂志凡祔祭皆給休五日時享

皆四日散齋二日於正寢致齋一日於廟子孫陪者齋

一宿於家始廟則署主而祔後喪闋乃祔喪二十八日

上旬卜而祔始神事之矣又親伯叔之無後者祔其有

會祖親昆弟及從父昆弟祔於祖親子姪祔於禰其有

毀賣私廟及買之者各以犯教義贓論自古聖帝明王

忠臣烈士各令所在長吏以禮致祭書敘明目達聰垂

拱而理畫垂拱而天下治詩稱濟濟多士文王以寧舍已從人

故能通天下之志棄瑕錄用南史虞寄傳聖朝棄瑕忘過寬厚待人故能

盡天下之才昔在太宗勤求理道納諫如響任賢勿疑

致俗於太平垂範於永代朕獲承鴻緒梁簡文帝詔備俛視陰企承鴻緒

追慕聖猷書之座隅常自儆勵朝夕翹想庶聞嘉謨

夢寐勞懷思得賢士凡厥在位所宜共成諸司官有陳
 便宐者各盡所見條疏封進事有冤滯政有關遺悉當
 極言無或隱避詔勅不便於時者所司執奏以聞天下
 有蘊德懷才隱居不仕委所在觀察使表薦當以禮邀
 致諸色人中賢良方正能直言極諫或博通墳典達於
 教化或詳練故事長於著述或精習律令曉暢法理或
 該明吏術可委理人或洞識韜略堪任將帥者委所在
 州府長吏及臺省常叅官詳錄行能舉奏並限來年七
 月內到京朕當親試應緣大禮掌職行事仗內引駕唐書

儀衛志內仗以左右金吾將軍當上中郎將一人押之
 有押官有知隊仗官朝堂置左右引駕三衛六十人以
 左右衛三衛年長疆直能糾劾者為之分五番有引駕
 依飛六十六人以依飛越騎步射為之分六番每番皆
 有主帥一人坐日引駕升殿金吾大將軍各一人押攝
 之號曰押引駕官中郎將郎將各一人檢校引駕事攝
 將軍中郎將郎將留守副留守并諸道表狀陪位法駕三

引官等三輔黃圖天子出車駕次第謂之鹵簿有大駕

先導次京兆牧太常卿司徒御史大夫兵部尚書法駕
 減太常卿司徒兵部白鷺車辟惡車大輦五副路安車
 四望車又減屬車四清游隊持鈸隊元武隊皆減四之
 一鼓吹減三之一文獻通考宣和初蔡攸等言大駕之
 出自漢光武時始有三引先河南尹次執金吾次洛陽
 令先尊後卑也後魏亦三引先平城令次司隸校尉次
 丞相先卑後尊也唐兼用六引謹按唐六引大三品已
 駕也法駕減太常卿司徒兵部尚書則用三引

上更賜爵一級四品已下加一階其郊壇宮廟行事官
 仍各賜勳兩轉皇親諸親應陪位者三品已上賜爵一
 級四品五品加一階六品已下及常選官至選日優與
 處分白身人及諸色應陪位官等各賜勳兩轉親王大
 長公主郡主縣主賜物各有差鄼公介公各賜物若干
 段程大昌曰若干者設數之言也干猶箇也若箇猶言
 幾何枚也又設干者十干自甲至癸也亦以數言也
 行事室長掌坐齋郎禮生贊者各減一年勞無勞可減
 者至簡選日優與處分崇賢館學生減策一道國子監
 學生陪位者及應緣祇應諸司作官直長長上通鑑音
 注殿中

六局直長正七品又凡衛兵皆更番送上長上者不更
 代也唐官制懷化執戟長上歸德執戟長上唱武散階
 九品長上流外要職掌內侍省唐書百官志內侍省掌
 內侍奉宣制令其屬六
 局曰掖庭宮闈奚官內僕內坊少監內侍為之貳通典
 隋曰內侍省煬帝改為長秋監唐武德初改為內侍省
 有內侍四人掌知宮內供奉白身唐書百官志內侍有
 中宮駕出則夾引總判局事
 六人品官白身二諸州行綱考典綱目集覽綱典主漕
 千九百三十二人
貨志故事州縣官充綱
 送輕貨四萬書上考兩京耆壽諸色番役當上在城

并量畱十月番人各賜勳一轉鴻臚唐書百官志鴻臚
 寺掌賓客及凶儀

之事領典客司儀二署漢書注胡廣曰鴻臚音閭
 傳之也所以傳聲讚道九賓韋昭曰鴻大臚陳也欲以
 大禮陳序
 于賓客番客共賜物若干神策六軍英武威遠皇城

金吾街使諸軍諸使將士應緣大禮宿衛御樓立仗及守本庫本營者各賜物若干端匹天下耆老百歲以上者各賜錦帛五段米五碩八十以上及鰥寡惇獨不能自存者委刺史縣令各加優恤應緣大禮加階及賜勳爵等申報敘奏期限並准貞元六年十二月二日勅處分餘依常式所司不須更作條件赦書日行五百里布告遐邇咸使聞知

蝗蟲避正殿降免囚徒德音

舊唐書德宗紀貞元元年秋七月關中蝗

食草木都盡旱甚灞水將竭井多無水有司計度支錢穀纔可支七旬甲子詔云云馬文昌雜

錄今之文德殿唐之宣政殿也是謂正衙而垂拱直其北紫宸乃在東偏文獻通考唐故事天子日御殿見羣臣日常參朔望薦食諸陵寢有思慕之心不能臨前殿則御便殿見羣臣曰入閣宣政前殿也謂之衙衙有仗紫宸便殿也謂之閣其不御前殿而御紫宸也乃自正衙喚仗由閣門而入閣凡俟朝于衙者因隨以入見故謂之入閣然衙朝也其禮尊閣晏見也其事殺前漢楚元王傳發明詔吐德音玉海大赦者不以罪大小皆原其或某處有災或車駕行幸則曰赦某郡已下謂之曲赦復有遞減其罪謂之德音者比曲赦則恩及天下比大赦則罪不盡除案

夫人事失於下則天變形於上咎徵之作必有由然自去歲以來災沴仍集雨澤不降延歷三時蟲蝗既臻彌

亘千里穀糴翔貴

前漢食貨志穀賈翔貴注師古曰翔言如鳥之回翔謂不離于貴也若暴

貴稱騰踊也

稼穡卒瘁

詩下民卒瘁傳瘁病也

嗷嗷烝人

通鑑音注烝人猶烝民也

避太宗諱

聚泣田畝與言及此實所痛傷徧祈百神

禮周

大司徒以荒政十有二聚萬民十一曰索鬼神

曾不獲應方悟禱祀非救患之

術言詞非謝遣之誠憂心如焚淡自刻責得非刑法舛

謬

增韻舛錯也左思吳都賦詭類舛錯

忠良鬱堙

左傳鬱堙不育

暴賦未蠲勞師

靡息事或無益而重為煩費任或非當而橫肆侵蝨

詩及

其蝨賊傳食根曰蝨食節曰賊左傳帥我蝨賊

有一於茲足傷和氣本其所以

罪實在予百姓何辜重罹殍餒所宜出次貶食節用緩

刑

周禮荒政十有二一曰散利二曰薄征三曰緩刑

側身增脩以謹天戒朕避

正殿不御百寮奏事並於延英處分

通鑑音注盧文紀曰上元以來置延

英殿或宰相欲有奏對或天子欲有咨度皆非時召見程大昌曰高宗初創蓬萊宮諸門殿亭皆已立名至上

元二年延英殿當御座生玉芝則是初有大明宮即有延英殿顧名對宰臣則始于代宗耳代宗以苗晉卿年

老蹇甚聽入閣不趨為御延英此優禮也按六典宣政殿前西上閣門之西即為延英門延英門之左即延英

殿故陽城欲救陸贄約拾遺王仲舒守延英殿上疏伏閣不去也綱目質實延英在西安府治東北五里唐東

內宣政殿次東乃宰相啓事之所相對有思政殿

尚食進膳宜更節減

穀梁傳五穀不

升謂之大侵大侵之禮君食不兼味百虎通一穀不升徹鶉鷄二穀不升徹鳧雁三穀不升徹雉兔四穀不升

損圍獸五穀不升不備三牲

百司不急之務一切且除諸將軍士外

自餘應食官糧人及諸色用度等並委本使長官商量
權行停減以救荒饉仍限十日內具元額及所釐革條
件聞奏待至豐稔却令依舊畿內百姓委京兆尹切加
慰撫除正稅正役外徵科差遣並宜禁絕非交相侵奪
尋常訴訟不宜追擾務且息人京畿內外及京兆府諸
縣見禁囚徒死罪降徒流已下一切放免畿內及河中
同州界應有因戰陣殺戮遺骸暴露者各委所在長吏
隨事埋瘞爾雅瘞幽也注幽亦
葬也疏皆謂瘞藏咨爾卿佐實惟股肱所
當一其誠心同恤災患勉脩厥職副我憂勤

誅李懷光後原宥河中將吏并招諭淮西詔

舊唐書德

宗紀貞元元年八月甲子李懷光大將尉珪以
焦籬堡降丁卯懷光將徐庭光以長春宮兵六
千人降甲戌朔方大將牛名俊斬李懷光
傳首闕下馬燧收復河中已卯詔云云

自昔哲王

書往敷求于殷先哲王
詩下武惟周世有哲王

以道化下不竭物以

充欲不勞人以樹威億兆之心如戴父母兵革不試四
方來同苟或昧於德綏務以力勝士旅疲耗烝黎困窮
幸以成功豈云有補李懷光久從戎旅頗著勤勞拔於

等倫

前漢甘延壽傳投
石拔距絕于等倫

授以旄鉞

綱目集覽旄毛幢也
旄牛尾以飾節也鉞

大斧行節制者
持之以示專斷

誓師河朔奔難奉天有夷兇嫉惡之誠

有彌患釋圍之績俾介元帥

唐書宰相表建中四年十一月癸巳朔方節度使李

懷光為中書令朔方邠寧同華陝虢

仍升上台

周禮春官大宗

伯司中疏武陵太守星傳云三

乘心匪彝自底不類

凡書

我造邦無從匪彝又予小

怙眾貪亂附姦脅君朕用再

遷通鑑李懷光既脅朝廷逐盧杞等內不自安遂有異

懷光反狀已明緩急宜有備蜀漢之路不可壅請以裨

將趙光銑等為洋利劍三州刺史各將兵五百以防未

然上疑未決欲親總禁兵幸咸陽以慰撫為名趨諸將

進討或謂懷光曰此漢祖遊雲夢之策也懷光大懼反

謀益甚上垂欲行懷光辭益不遜上猶疑讒人間之加

懷光大尉增實食賜鐵券遣神策右兵馬使李卞等往

諭旨懷光對使者投鐵券于地曰聖人疑懷光邪人臣

反賜鐵券懷光不反今賜鐵券是使之反也辭氣甚悖

李懷光夜遣人襲奪李建徽楊惠元建徽走免惠元將

奔奉天懷光遣兵追殺之懷光又宣言曰吾今與朱泚

連和車駕且當遠避遣其將趙昇鸞入奉天約其夕使

別將達奚小俊燒乾陵令昇鸞為內應以驚脅乘輿昇

鸞詣渾瑊自言瑊遽以聞且請決幸梁州上命瑊戒嚴

瑊出部勒未畢上已出城西命戴休顏守奉天朝臣將

士狼狽幾危宗廟洎股肱宣力賊泚就誅率土之人咸

懷奮擊朕獨排羣議未忍加兵命復官封志期全貸而

乃昏迷不返悖慢逾彰殘害使臣

通鑑興元元年三月

朔方將士忠順功名猶以懷光舊勳曲加容貸其副元

帥太尉中書令河中尹并朔方諸道節度觀察等使宜

並罷免授太子太保其所管兵馬委本軍自舉一人功

高望重者便宜統領速具奏聞當授旌旄以從人欲遣

待罪巢父不之止懷光左右多胡人皆嘆曰大尉無官矣巢父又宣言于眾曰軍中誰可代太尉領軍者于是懷光左右發怒誼諫宣詔未畢眾殺巢父及中使談守盈懷光亦不之止復治兵為拒守之備侵敗畿

甸密邇京邑人愁無聊諭之不悛乃用致討上帝悔禍

元臣協謀克集茂勳晉書元帝紀茂勳格于皇天清暉光于四海以夷大難

渠魁授首書殲厥渠魁正義渠為大魁為帥史傳謂賊之首領為渠帥本此餘眾革心

制勝以謀兵無血刃荀子兵不血刃遠邇來服雖事非獲已義在救

人而本其所由情深罪已蓋以信誠未著撫馭或垂至

使功臣陷於誅戮謂之克敵寧不愧心然以懷光一家

法當殲戮念其昔居將相嘗寄腹心罪雖掛於刑書左傳

鄭入鑄刑書唐書刑法志唐功已藏於王府魏志公孫淵傳功隆

事大勳以干紀之跡徐陵文象恭無赦干紀必誅固合滅身以赴難

之勳所宜有後非常之澤俾洽幽明雖屈彝章庶旌往

效大夫君子無我有尤宐以懷光一男為嗣唐書李懷光傳初懷

光死其子瓘盡殺其弟乃死故懷光無後五年詔以外孫燕賜姓李名曰承緒以左衛率府胄曹參軍繼懷光

後賜莊宅各一所聽住京城仍還懷光首級及屍任便

收葬其妻及諸子孫在室女等並遞送澧州唐書地理志澧州澧

陽郡屬山南道續通典澧州漢零陽縣地吳立天門郡隋置松州尋改澧州州在澧水之陽故名舊志在京師

東南一千八百九委李臯唐書太宗諸子列傳曹王明

十三里澧音禮貞觀二十一年始王曹高宗

詔出後巢王三子俊傑備後嗣王神龍初以傑子胤嗣後停封而封備開元十二年復封胤子戡嗣戡子臯字子蘭天寶十逐便安置使得存立其出嫁女及諸親戚一載嗣王並宐釋放應先陷河中將士等皆嬰迫脅無路申明多是朔方舊人素蘊忠義并幽州涇原將士頃被朱泚脅從收京之時奔竄在彼究其本末情有足矜况能協力同謀舉城歸順錄其成效咸與惟新宐一切洗雪勿為瑕累先有官爵實封者並許仍舊其中首謀效順事績著明者委副元帥條件奏聞別加甄獎河中及同州絳州百姓並經陷賊又久屯軍骨肉流離生業廢棄與言

軫念良用惻然宐各給復一年京兆府奉先美原唐書地理

志美原縣屬京兆府通監音注後漢景明元年分漢富平縣置土門縣屬新平郡因土門山為名隋廢土門縣入華原咸亨二年分京兆之富平華原及同州之蒲城以故土門縣置美原縣等縣緣與同州

接近隨便供運杼軸既繁流亡頗眾委京兆尹即量事優恤條件聞奏仍加招輯使各安存河中保義軍唐書方鎮

表建中四年興鳳隴節度賜號保義節度保寧軍唐書方鎮表興元元年賜河東節度號保寧軍節度節度使并管內諸軍行營兵馬副元帥唐書百官志建中四年以李希

烈反置諸軍行營兵馬都元帥河中保寧等軍節度度支營田唐書百官志天則置營田使觀察處置等使銀青光祿大夫唐書百官志從

三品曰銀青 檢校司徒同中書門下平章事兼太原尹

光祿大夫 唐書地理志太原府太原郡本并州開元十一年為府

唐書百官志未徵中改尹曰長史開元三年改京兆河

南府長史復為尹十一年 北都留守 唐書方鎮表開元

太原府亦置尹及少尹 節度為太原府以北諸軍州節度河東道支度營田使

兼北都留守領太原及遼石嵐汾代忻朔蔚雲九州治

太原 北平郡王燧惟嶽降生鬱為時傑奉上勵匪躬之節

原 易蹇卦王臣蹇 訓師懷盡敵之謀 國語夫戰 略地無遺

攻城必拔發揚以威強寇感激而服叛徒 唐書馬燧傳

守長春宮城燧度長春不下則懷光固守久攻所傷必

眾乃挺身至城下見廷光憚燧威拜城上燧顧其

心已屈徐曰我自朝廷來可西嚮受命廷光再拜燧曰

公等朔方士自祿山以來功高天下奈何棄之為滅族

計若從吾言非止免禍富貴可遂也未對燧曰爾以吾

為欺邪今不遠數步可射我披而示之心廷光感泣一

軍皆流涕即率眾降燧以數騎入 嘉謀屢聞能事畢備

其城眾大呼曰吾等更為王人矣 朔方河中同絳陝虢汴等州

唐書地理志陝州陝郡號

典陝州即周二伯分陝之地後魏太和十一年置陝州

號州號郡帝王世紀云號有三周封號仲于西號號州

之地也封號叔于東號今成臯也 陝 及管內諸軍副元

郡平陸是北號汴注見制誥七卷 帥河中絳州節度觀察處置等使

唐書方鎮表廣德二 練觀 開府儀同三司 唐書百官志從一品曰開府儀同

使車騎將軍馬防班同三司通典後漢章帝建初三年始

中兼河中尹

唐書方鎮表乾元二年河中尹耀德軍使

咸寧郡王瑊

鑒識精明

晉書楊駿傳經德履詰鑒識明遠

字量宏博

袁宏名臣贊邈哉太初字量高

雅鹽鐵論劉子雍言王道斌斌然可謂宏博君子矣

秉義率衆推誠待人堅制不

奪之心亟陳必勝之略輯睦士旅安慰流庸盛德克彰

崇功允集惟乃二帥一其誠心奉行天誅同獎王室有

崇讓之美有禁暴之能元惡既除

書元惡大憝荀子全元惡不待教而誅

城底定是加寵命

陸機漢高祖功臣頌是謂平國寵命有輝

以答崇勳燧可

兼侍中仍與一子五品正員官并階餘並如故城可檢

校司空

唐書百官志太尉司徒司空是爲三公皆正一品

仍與一子五品正員

官并階餘並如故華州潼關

唐書地理志華州華陰郡屬關內道雍錄潼關在華

州華陰縣東北而太華山之北也太華在縣南八里通典曰日本名衝關言河在龍門向南而流衝激華山之東故以爲名元和志謂因潼水名關者是也曹大家賦曰涉黃卷以濟潼則潼名古固有之至唐始于其地立關

耳鎮國軍節度使開府儀同三司檢校右僕射並華州

刺史上柱國

史紀項羽本紀注應邵曰上柱國上卿官若今相國也唐書百官志司勳掌官吏勳

級凡十有二轉爲武康郡王駱元光邠寧慶

唐書地理志慶州順

上柱國視正二品化郡屬關內道續通典慶州宏化郡東南三里有不窰城後魏大統十一年置朔州隋文帝改置合川鎮十六年置慶州以慶美取其嘉名今郡城名等州刺史御史尉李城在白馬兩川交口亦曰不窰城

大夫上柱國許昌郡王

通典潁川郡許州春秋許國秦爲潁川郡後周改許州唐或爲

穎川郡領縣六長社陽陵長葛臨穎許昌扶韓游瓌唐書
 溝許昌漢許縣獻帝都於此魏文改曰許昌
 韓游瓌傳懷光寇同州城元諒敗于乾坑詔游瓌率兵
 并力敗賊衆五千于屯遂會城馬燧圍蒲城師次焦籬
 堡守將尉珪降懷光
 見勢單蹙乃縊死
 鄜坊丹延等州節度觀察使唐書
 表上元元年置渭北鄜坊節度使治坊州并領丹延二
 州大歷十四年罷渭北節度置都團練觀察使建中四
 年復置渭北節度徙治鄜州
 其後置都團練觀察防禦使
 檢校兵部尚書兼御史大
 夫上柱國東平郡王唐朝臣等並節著艱危功成討伐
 鎮於衝要隱若長城宋書檀道濟傳初道濟見收脫取
 彼兇殘進無堅陣比義同德廓清方隅宐增食於真封
源流至論漢平帝紀令二百石以上一切論秩如真釋
者謂諸官吏初除皆試守滿歲稱職乃為真食全俸

且延榮於蔭子

蔭一作亂唐書選舉志凡用蔭一品子正七品上二品子正七品下三品子從

七品上從三品子從七品下正四品子正八品上從四
品子正八品下正五品子從八品上從五品及公國子
從八品下可各使實封二百戶仍與一子六品正員官並五

品階餘並如故應諸道諸軍同討懷光將士等一自征

役淹歷歲時被服干戈略無寧息賴茲勤效是有成功

宐並賜三十萬端匹以充宴賞仰度支卽般次送赴並

各放歸本道仍令所司敘錄卽超資與改轉其中大將

及功效殊尤者委所司速具名銜聞奏先與處分其先

在河中將士亦宐依例賜錢宴賞如本是奉天定難功

臣准條合給賞者度支卽排比支付嗚呼自國家多難

詩未堪家多難二紀於茲朕嗣位七年連兵五載追惟往事悔

恨於懷今二孽謂朱泚李懷光既誅諸方甫定哀彼淮右獨爲

匪人其帥不恭其衆何罪朕晨夕惕慮念之甚詳罷征

討則阻命止於數州窮戰爭則流禍及於天下利病之

勢較然相懸俾人罹殃寧我忍恥今勳賢列鎮疆里有

經縱未偃戈足以保境况天地之大無所不容豈令是

邦猶隔朝化因茲大慶使洽鴻恩諸道應與淮西接連

宐且各守封境非被侵軼不須進討仍委所在長吏明

加招諭宣布朕懷李希烈若能歸降待以不死其餘將
士官吏百姓等一切並與洗滌與之更新先有官封亦
皆仍舊如能去逆效順因事建功理當甄升以示褒勸
其所以優賞科條並准前勅處分朕思與海內去危圖
安有過自新雖大必宥昭然明信彰示兆人期爾庶邦
自求多福無有遠邇咸使聞知

誅李希烈後原淮西將士并授陳仙奇希烈親將節度

詔通鑑綱目希烈別將寇襄鄧州樊澤李澄擊

破之希烈兵勢日蹙會有疫仙奇使醫毒殺

之因屠其家舉衆來降詔爲淮西節度使

反易天常

左傳夏書曰惟彼陶唐帥彼天常穆天子傳後世所望無失天常

悖違人紀

書伊訓先王肇脩人紀

衆之所棄罔或逃誅李希烈蔑義背恩窮

姦極暴謂神器可以力取謂生靈可以詐欺

唐書李希烈傳

染石作璽又于上蔡襄城獲折車釘奉以為瑞惑其下

志在兇殘躬行僭竊

唐書李希烈傳

烈傳希烈已據汴僭即皇帝位國號楚建元武成以張鸞子李綬李元平為宰相鄭賁為侍中孫廣為中書令披其地建四節度以汴州為大梁府治安州為南關

罪無與比法實難容以君德

不脩致人於禍究其端本過實在予不忍烝黎重相攻

戰屢施詔命務欲懷柔

詩懷柔百神

抑羣師奮發之誠駐諸

軍討逐之勢不憚屈已期於息人希烈曾無悛心

書惟受罔

有悛心

益逞驕志虐毒滋甚吞噬無厭惡貫既盈

書商罪貫盈

自底夷滅開府儀同三司御史中丞

唐書百官志御史臺中丞二人正四

品下通典初漢御史大夫有兩丞一曰御史丞一曰中丞亦謂中丞為御史中執法中丞在殿中蘭臺掌圖籍

秘書外督部刺史內領侍御史十五員受公卿奏事舉劾案章蓋居殿中察舉非法也隋以國諱改中丞為大

夫唐因隋亦曰大夫御史中丞舊持書侍御史也初漢宣帝元鳳中感路溫舒尚德緩刑之言季秋後請讞時

帝幸宣室齋居而決事令侍御史二人持書持書御史起于此也高宗末徽初以國諱故改持書侍御史為御

史中 臨漳郡王陳仙奇

謹按沈約宋志作臨漳蕭子顯曰臨漳郡本合浦郡之北界也

通典合浦郡廉州秦象郡地漢置合浦郡宋因之兼置臨漳郡及越州領郡三理於此唐置廉州州界有漳江

忠勇有餘沉毅能斷

魏志明帝紀注天

據闔境受汚之

憤導三軍思順之心唱義一呼羣情響附廓清氛祲殲戮渠魁驛書上聞函首入獻杜牧實烈女傳初希烈入美使甲士至良門取桂娘以去將出門顧其父曰慎無戚必能滅賊使大人取富貴于天子桂娘以才色在希烈側復能巧曲取信希烈歸蔡州桂娘謂希烈曰忠而勇一軍莫如陳仙奇其妻竇氏仙奇寵且信之願得先往來以姊妹敘齒因徐說之使堅仙奇之心希烈然之桂娘以姊事仙奇妻嘗問曰為賊遲晚必敗姊宜早圖遺種之地仙奇妻然之與元元年四月希烈暴死其子不發喪欲盡誅老將校以卑少者代之計未決有獻含桃者桂娘白希烈子請分遺仙奇妻且以示無事于外因為蠟帛書曰前日已死殯在後堂欲誅大臣須自為計以朱染帛丸如含桃仙奇發丸見之言于薛育育曰兩日希烈稱疾但怪樂曲雜發晝夜不絕此乃有謀未定示暇于外事不疑矣明日仙奇薛育各以所部謀于牙門請見希烈希烈子迫出拜曰願去偽號一如李納

仙奇曰爾父悖逆天子有命誅之因斬方隅既又役戍希烈及妻子函七首以獻暴其尸于市

其休懸賞之科是宜必信唐書李希烈傳希烈懼上疏帝不赦詔斬希烈者四品以

上得其官五品以下其以仙奇為檢校工部尚書唐書百官

志工部尚書兼蔡州刺史御史大夫充淮西節度仍賜

實封五百戶應淮西管內將士官吏百姓等項迫兇威

遂從脅制既誅元惡俱是平人除李希烈一家其餘並

准前後赦勅原放更無所問其將士等或本屬平盧唐書

方鎮表開元五年營州置平盧軍使七年升平盧軍使為平盧軍節度經畧河北支度管內諸蕃及營田等使

兼領安都都護或久鎮淮右素推忠義累著勳庸果能及營遼燕三州

叶志同謀輸誠奉順以茲節效良有可嘉委仙奇即以此諸色官錢優與宴勞其中首建謀議同斬希烈人等宜

並條錄聞奏節次褒賞比年以來有潛圖效順節義著

明計或未行為賊屠害者唐書李希烈傳哥舒曜復取汝州希烈遣周曾呂從賁康

琳拒曜次襄城與王玢姚憺韋清合謀襲希烈不克皆死清奔劉洽亦當審加訪察具事

績以聞如有子孫仍並錄名聞奏百姓等久經淪陷兼

被傷夷左傳命軍吏察夷傷遐想凋殘實足哀憫除供當道軍用

外宜給復二年應被希烈差點兵馬及團練子弟並即

放散其本額將士之中有不樂在軍願歸農業者委節

度刺史量給逃死戶田宅并借貸種糧優給復終身使

之存濟宜令尚書左丞唐書百官志尚書省左丞一人正四品上鄭叔則謹按

時為東都留守充淮西宣慰使嗚呼往欽哉自希烈叛命於今

五年王澤不通下情亦阻所宜宣我信令以釋危疑敷

我惠和左傳為溫慈惠和以效天之生殖長育以慰疲瘵詩上帝甚蹈無自瘵焉傳瘵病

也滌清汚俗咸與惟新底難一方以稱朕意

重原宥淮西將士詔

乃者希烈亂常阻兵竊號汚脅士眾殘虐烝黎朕志在

好生誠深罪已左傳禹湯罪己其與也悖焉為人受恥不忍加兵惟

茲一軍代著忠節果殲元惡不替舊勳

左傳我襄公未忘君之舊勳蔡

邕胡公碑奕世載德不廢舊勳

詢於衆情就拜戎帥人亦勞止期於小

康旋乖恤下之方重致喪身之禍由朕薄德俾人不寧
撫臨萬邦且愧且悼猶賴將校士旅秉其誠心邦人不
驚軍部無撓以茲節效良有可嘉所宜慰安俾洽寬澤
應將士吏人承前所有諸過犯罪無輕重一切釋放曠
然昭洗咸與惟新其有先請受莊宅財物者各以見管
爲主將士衣賜節料并家口糧賜等一切并准舊例以
時給付不得停減先令優與賞設亦准元勅處分務令

豐厚以稱朕懷仍加曉諭各委知悉

唐陸宣公翰苑集卷第四

山右張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

賑恤諸道將吏百姓等詔

國之經制儲蓄備災雖遇凶年人無菜色

禮記三年耕必有一年之

食九年耕必有三年之食以三十年之通雖有凶旱水溢民無菜色時或弛征散利周禮荒政

一曰散利左傳二曰薄征杜註務穡勸分左傳二曰薄征杜註務穡勸分左傳二曰薄征杜註務穡勸分左傳

其務也杜註穡儉也勸分有無相濟又昭元年傳穆叔曰大國省穡而用之徒有以均無因

豐而補敗救患之術抑其次焉自戍役繁興兩河尤極

農桑日費井邑為墟丁壯服其干戈疲羸委於溝壑傷

夷未復荒饑薦臻歷河朔而至於太原自淮沂而被於

洛汭禹貢蔡註淮沂二水名水經云淮水出南陽平氏縣胎簪山沂水地志云出泰山郡蓋縣艾山今沂

州沂水縣也洛水地志云出宏農郡上洛縣冢領山也洛縣冢領山水

經謂之瀦舉山今商州洛南縣冢領山也洛水地志作

芮扶風沂縣弦蒲數芮水出其西北東蟲螟為害詩去其螟

入涇今隴州沂源縣弦蒲數有汭水焉

騰及其蝨賊疏李巡云言其姦冥冥難知也陸璣云螟

似好妨而頭不赤唐書五行志興元元年秋螟蝗自山

而東際于海晦天蔽野草木葉皆盡貞元元年夏蝗東

自海西盡河隴羣飛蔽天旬日不息所至草木葉及畜

毛靡有子遺饑饉枕道民雨澤愆時稼穡卒痒烝黎重

困國語內困于父母外然猶徵賦不息征役未寧凍餒

流離寄命無所興言感悼焚灼於懷朕聞刑罰失中虐

疹斯作唐書五行志知罪不誅其罰燠夏則暑殺人

咎之本在予一人萬姓何辜遭罹其弊兢兢惕畏不敢

遑安庶蠲下土之災用答上天之戒其宣武等軍唐書地理

志汴州有宋毫陳州等節度唐書方鎮表建中二年置

宣武軍宋毫顯節度使治宋州尋

號宣武軍 淄青等州節度河陽唐書地理志孟州有河陽軍建中四年置通鑑

音注河陽縣本屬懷州顯慶二年分屬河南府城臨大河長橋架水古稱設險此城後魏之北中城也東西魏

兵爭又築中潭及南城謂之河陽三城懷州節度唐書方鎮表建中二年置河陽三城節度使以

東都畿觀察使兼之領懷鄭汝陝四州貞元元年罷節度置都團練使十二年復置河陽懷節度治河陽東

都畿汝等州節度見潞美軍澤潞磁邢等州節度唐書

表至德元載置澤潞沁節度使治潞州寶應元年澤潞節度增領陳邢洺趙四州保寧軍節度

成德軍恆深趙等州節度唐書方鎮表寶應元年置成德軍節度使領恆定易趙深

五州治 易定等州節度每管各賜米五萬碩所司即般

運都於楚州唐書地理志楚州淮陰郡屬淮南道通鑑音注楚州本漢射陽鹽漬縣地晉置山陽

郡隋開皇初罷郡十二年置楚州大業初州廢唐初復置分付各委本道差官受領

賑給將士百姓等務令均洽以惠困窮屬軍費方殷國

儲尚歉今所賜賑給其數非多猶慮孤惸或未周贍穀

價翔貴何能自資江淮之間連歲豐稔迫於供賦頗亦

傷農收其有餘濟彼不足允孚發歛之術且叶變通之

規易變通配四時宜令度支於淮南唐書地理志淮南道蓋古揚州之域漢九江廬江江

夏等郡廣陵六安國及南陽汝南臨淮之境浙江東西唐書方鎮表建中元年分浙江東西道都

團練觀察使為二道通鑑音注浙東道節度使領越睦

使領昇潤宣歙饒江蘇等道量置場加價和糴米三五

常杭湖十州治昇州

十萬碩差官般運於諸道減價出糶貴從權便以利於人後漢段熲傳臨時量宜不失權便無或勞煩重予不德方岳守將寔

朕股肱卹患分憂與朕同體宜卽遣使分道宣慰勞勉將士省問鄉閭有可以救歲之凶災除人之疾苦各與本道節度使商議具以聞奏必精必詳用稱朕意

優恤畿內百姓並除十縣令詔

通鑑音注唐雍州諸縣萬年長安為

赤縣餘縣為畿縣六典曰城內為京縣城外為畿縣京縣令正五品上畿縣令正六品下

朕以薄德託於人上

左傳齊桓公存三亡國以屬諸侯義士猶曰薄德

勵精思

理期致雍熙

東京賦上下其其雍熙

鑒之不明事或乖當百度多

闕四方靡寧傷夷未瘳而征役薦起流亡既甚而賦歛

彌繁人怨聞上天災降下連歲蝗旱蕩無農收惟茲近

郊遭害尤甚豈非昊穹作沴深警予衷跼躄憂慚罔知

攸措今穀價騰踊

前漢魏相傳今歲不登穀暴騰踊師古注價忽大貴也

人情震

驚鄉閭不居骨肉相棄流離殞斃所不忍聞公私之間

廩食俱竭既無賑恤猶復徵求財殫力疲繼以鞭箠弛

征則軍莫之贍厚歛則人何以堪念茲困窮痛切心骨

思所以濟浩無津涯

書若涉大水其無津涯

補過寔在於增脩救

患莫如於息費致咎之本既由朕躬謝譴之誠當自朕

始宐令尚食每日所進膳各減一半宮人等每月惟供給糧米一千五百碩其餘悉皆停省年食支酒料宐減五百碩飛龍廐馬從今已後至四月三十日已前並減半料京兆府百姓應差科徵配及和市和糴等諸色名目事無大小一切並停公私債負容待蠶麥熟後徵收百司非至切之務如追擾百姓及追勘徵收等色府縣並不須承受其尋常訴訟非交相侵奪者亦不得爲理百姓及諸色人等如能力行仁義均減有無賙貸貧人全活數衆者府司具事跡聞奏朕當授以官秩蠲其征

徭如縣令勸導有方流庸克濟至夏初以來類例勘會

但戶口無減田疇不荒亦以狀聞量加優獎百姓有迫

於荒饉全家逐食者其田宅家具樹木麥苗等縣司並

明立簿書印記令所由及近隣人同檢校勿容輒有毀

損及典賣填納差科本戶却歸使令復業夫致理之本

必在於親人南史循吏傳序長吏之職號曰親人至親于道德齊禮移風易俗未有不由之矣親

人之任莫切於令長導王者之澤以被於下求庶人之

瘼詩亂離瘼矣傳瘼病以聞於朝得失之間所係甚大且一夫不

獲辜寔在予書一夫不獲則况百里之安危萬人之性

命付以長吏豈容易哉今旬內凋殘亦已太甚每一興
想盡然傷懷非慈惠不能恤疲曠管子為人父者慈惠以教非才術

無以賑艱食臺郎御史選重當時得不分朕之憂救人

之弊昨者詳延羣彥親訪嘉猷書爾有嘉謀嘉猷尚書司勳員

外郎唐書百官志司勳員外郎二人掌官吏勳級六典周官太宰之屬官有上士蓋今員外郎之任也宋

百官階次有員外郎美遷為尚書郎隋文帝開皇六年

尚書二十四曹各置員外郎一人品從第六謂曹郎本

員之外復置郎也實申等十人咸以器能理道精心究烝黎之

疾苦知教化之宗原輟於周行往蒞通邑申可長安縣
令鄭珣瑜可檢校吏部員外郎唐書百官志吏部員外郎二人從六品上通典

隋開皇六年置吏部員外郎一人煬帝三年改為選部
承務郎武德三年復舊加置一人一員判廢置一員判
南兼奉先縣令韋武可檢校禮部員外郎唐書百官志禮部郎中員外郎

掌禮樂學校衣冠符印表疏圖書冊命祥瑞鋪設及百
官宮人喪葬贈賻之數為尚書侍郎之貳通典隋文帝

置禮部員外郎煬帝改為儀曹承務郎
武德三年復舊其後曹改而官不改兼昭應縣令賈

全可咸陽縣令通鑑音注咸陽秦都漢為渭城縣屬右扶風晉廢縣後魏置咸陽郡隋廢武德

元年分涇陽始平置咸陽縣屬
京北九域志在府西四十里兼監察御史唐書百官志

史十五人正八品下掌分察百寮巡按州縣獄訟軍戎
祭祀營作太府出納皆治焉通典監察御史初秦以御

史監理諸郡謂之監察御史漢初罷其名至晉始置檢
校御史隋開皇二年改檢校御史為監察御史凡十二

人唐監察御史十員裏行五
員其選拜多自京畿縣尉

霍琮可華原縣令通鑑音注華原

宣君銅官漢雲陽祓禱之地後魏于華原置北雍州西魏改為宣州又置北地郡唐初復置宣州貞觀十七年州廢而以華原復屬于京兆 兼監察御史王倉可檢校禮部員外郎

兼昭應縣令李曾可蓋屋縣令 通鑑音注漢武帝置蓋屋縣屬扶風後漢晉省

後魏復置後周置周南郡隋廢郡以蓋屋縣屬京兆唐置岐州 兼監察御史荀曾可三

原縣令 續通典三原縣本漢池陽縣地符堅于截薛北有白鹿原為三原後魏太

平真君七年罷護軍置縣 兼侍御史 唐書百官志侍御史六人從六品下

通典侍御史于周為柱下史一名柱后史謂以鐵為柱言其審固不撓也亦為侍御史唐侍御史凡四員內供奉二員分直朝堂與給事中中書舍人同

受表裏冤訟迭知一日謂之三司受事 李緝可富平

縣令 通鑑音注富平縣屬雍州今耀州東南富平縣即其地 兼殿中侍御史 唐書百官

志殿中侍御史九人從七品下 通典殿中侍御史魏蘭臺遣二御史居殿中察非法即殿中侍御史之始也隋初改曰殿內侍御史置十二人唐置六員內供奉三員 其有散官封賜者並如故

應畿內縣令俸料宜准常參官例均融加給涇陽縣令

通鑑音注涇陽縣前漢屬安定郡後漢晉省後魏屬隴東郡隋唐屬京兆杜佑曰京兆涇陽縣乃秦封涇陽君之地漢涇陽縣在今

平涼郡界涇陽故城 韋滌潔已貞明 後漢張奐傳正身繫辭日月之處事通敏 前漢趙廣漢傳少為郡吏州從道貞明者也 事以廉絜通敏下士為名舉茂

有禦災之術有字物之方人不流亡事皆辦集惟是

一邑之內獨無愁怨之聲古之循良何以過此就加寵

秩允叶前規 前漢循吏傳孝宣以為太守吏民之本也數變易則下不安民知其將久不可欺罔

前漢循吏傳孝宣以為太守吏民之本也數變易則下不安民知其將久不可欺罔

前漢循吏傳孝宣以為太守吏民之本也數變易則下不安民知其將久不可欺罔

前漢循吏傳孝宣以為太守吏民之本也數變易則下不安民知其將久不可欺罔

前漢循吏傳孝宣以為太守吏民之本也數變易則下不安民知其將久不可欺罔

前漢循吏傳孝宣以為太守吏民之本也數變易則下不安民知其將久不可欺罔

前漢循吏傳孝宣以為太守吏民之本也數變易則下不安民知其將久不可欺罔

前漢循吏傳孝宣以為太守吏民之本也數變易則下不安民知其將久不可欺罔

迺服從其教化故二千石有治理效輒以璽書勉勵增
 秩賜金或爵至關內侯公卿闕則選諸所表以次用之
 是故漢世良吏可檢校工部員外郎唐書百官志工部員
 吏于是為盛可檢校工部員外郎唐書百官志工部員
 員外郎煬帝改為起部承務郎武德三年復為工部員
 外郎唐書車服志高宗給五品以上
 郎兼本官仍賜緋魚袋唐書車服志高宗給五品以上
 內必合之三品以上金飾袋垂拱中都督刺史始賜魚
 天授二年改佩魚皆為龜其後三品以上龜袋飾以金
 四品以銀五品以銅景雲中詔衣紫者魚袋以金飾之
 衣緋者以銀飾之開元初駙馬都尉從五品者假紫金
 魚袋都督刺史品卑者假緋魚袋五品以上檢校試判
 官皆佩魚中書令張嘉貞奏致仕者佩魚終身自是百
 官賞緋紫必兼並賜衣一襲史記趙世家賜相國公仲
 魚袋謂之章服並賜衣一襲連衣二襲注單複具為一
 襲
 絹百疋馬一疋嗚呼積行在躬雖微必著咨乃庶尹

其惟欽哉朕聞為君者必擇人而官為臣者罔擇官而
 處弛張繫於理不繫於時升降在乎人不在乎位朕方
 抑浮華以敦教稽言行以進人非次之恩以待能者後漢
次選舉乖宜 彰善黜惡期於必行凡百君子各宜自
 勉

重優復興元府及洋鳳州百姓等詔

唐書地理志

鳳州河池郡屬山南道通鑑音注洋州洋川郡
治西鄉縣西鄉漢成固縣蜀立西鄉後魏于此
置洋州以水為名鳳州漢故道河池縣地晉為
仇池氏所據後魏置梁泉縣西魏廢唐高宗置
州鳳州

朕巡狩山南白虎通王者所以巡狩者何巡者循也狩

山南道蓋古荆梁二州之域漢南郡武陵巴郡漢中南陽及江夏宏農廣漢武都郡地自春涉夏

師旅殷會周禮秋官大行人時會以發四方之禁殷同以施天下之政日費既廣州

閭杼軸歲計其空東作妨時西成罕望書平秩東作又平秩西成雖

黽勉從事人不告勞而憫悼積衷予實知愧昨者減其

租稅優以復除唐書德宗紀興元元年六月癸丑以梁州為興元府給復一年乙巳給復洋州

一年加給興元一年免鳳州今歲稅庶乎有瘳汔用小息泊駕言旋軫躬

履畏途絕礪縈廻水經注上戴山阜下臨絕澗危棧綿亘史記高祖紀去輒燒

絕棧道注棧道閣道也崔浩云險絕之處傍鑿山巖而施版梁為閣時經霖雨道阻且脩

工徒造舟縣人葺路靡幼靡耄莫獲寧居而又齎負糗

糧書時乃糗糧疏鄭云糗擣熬穀也謂熬米麥使熟又擣之以為粉也供備頓舍通鑑音注中頓

者謂中道有城有糧可以頓食也置食之所曰頓唐人多言置頓涉於千里飫我六師

居人露處以罔依蔡邕述行賦民露處而寢溼宿麥過時而不獲覩

妨奪彌增感傷前所復除未及酬卹式敷惠澤以紓

大勞左傳大勞未艾君子勞心小人勞力先王之制也其興元府除先優復外

宜更給復二年鳳州全放今年稅其興元府鳳州界內

知頓及脩道路閣橋州縣官將士等通鑑音注車駕行幸有知頓使並

委嚴震唐書嚴震傳嚴震梓州鹽亭人為興鳳兩州團練使詔改梁州為興元府即用震為尹類

例功效具名聞奏量子甄獎嗟乎古先哲王東征西怨

書東征西夷怨南征北狄怨曰奚獨後予顧予不德重以勞人補費錄勤是

有申命易重與以申命書長吏明加優諭稱朕意焉

議減鹽價詔

三代立制山澤不禁天地材利與人共之穀梁傳山林藪澤之利所

以與民共也王道寢微強霸爭鶩於是設祈望之守左傳昭

齊侯疥遂疇晏子曰興權管之法前漢田千秋傳桑宏

海之鹽蜃祈望守之自以為國家興權筦之利師古注權謂專其利以佐兵

使入官也筦即管字也義與幹同皆謂主也賦以寬地征公私之間猶謂兼澤歷代遵用遂為典常

自頃寇難薦興已三十載服干櫓者禮記禮義以為干櫓農耕盡

廢居里閭者杼軸其空革車方殷軍食屢調人多轉徙

田畝汙萊乃專煮海之利說文古者夙沙初作者煮海鹽以為贍國之

術管子不籍而贍國為之有道乎度其所入歲倍田租唐書食貨志乾

錢使第五琦初變鹽法就山海井竈近利之地置監院

游民業鹽者為亭戶免雜徭盜鬻者論以法及琦為諸

州權鹽鐵使盡權天下鹽斗加時價百錢而出之為錢

一百一十自兵起流庸未復稅賦不足供費鹽鐵使劉

晏以為因民所急而稅之則國足用於是上鹽法輕重

之宜以鹽吏多則州縣擾出鹽鄉因舊監置吏亭戶糶

軍費日增權價日重至有以穀一斗易鹽一升

唐書食貨志劉

晏鹽法既成商人納絹以代鹽利者每緡加錢二百以

備將士春服包估為汴東水陸運兩稅鹽鐵使許以漆

器瑋瑁綾綺代鹽價雖不可用者亦高估而售之廣虛

數以罔上亭戶冒法私鬻不絕巡捕之卒遍于州縣鹽

估益貴商人乘時射利遠鄉平民困高估至有淡食者

巡吏既多官冗傷財當時病之其後軍費日增鹽價寢

貴有以穀數斗易鹽一本末相踰科條益峻念彼貧賈

升私糶犯法未嘗少息

何能自滋五味失和

左傳天有六氣降生五味周禮凡和春多酸夏多苦秋多辛冬多鹹

調以滑甘百疾生害以茲天斃實為痛傷嗚呼朕丕承烈聖

之緒遐覽前王之典既不克靜事以息用又不獲弛禁

以便人征利滋深疲疇至困予則不恤其誰省憂應江

淮并峽內權鹽

謹按通典硤州夷陵郡以扼三硤之口故為硤州西通蜀江廣韵蜀楚之交山

有三硤左思蜀都賦注三峽在巴東永安縣謂西陵峽

歸鄉峽巫峽也唐分三川置東川西川劔南皆在三峽

之內其地則漢中通川巴川清化洋川順政河池益昌

咸安盛山始寧南平符陽潯山房陵南賓南浦雲安蜀

郡唐安濠陽德陽通義梓潼巴西普安閬中資陽臨邛

通化交川越嶲南溪遂寧仁壽犍為盧山瀘川陽安安

岳江源陰平同昌油江臨翼歸誠洪源靜川恭

化維川和義雲山蓬山雲安南充等郡是也 宜令中

書門下及度支商議裁減估價兼釐革利害速具條件

聞奏削去苛刻

前漢成帝紀詔曰凡事恕已毋行苛刻

止塞姦訛務於利

人必稱朕意

賜京畿及同華等州百姓種子賑給貧人詔

通鑑音注

唐以京兆同華商邠岐為京畿

春陽布和萬物暢茂實兆庶樂生之日農夫致力之時

今茲吾人則異於是迫以荒饉愁怨無憯有離去井疆

書殊厥厥業於庸保
史記高漸離變姓名為人庸保樂布井疆傳注庸受顧也韋昭曰保備南方奴

婢賤稱也有乞丐途路困於死亡鄉閭依然烟火斷絕種餉

既乏農耕不興若東作僇時西成何望為人父母得不

省憂雖國計猶虛公儲未贍濟人之急寧俟盈豐罄其

有無庶拯艱厄京兆府百姓並宜賜種子二萬碩同華

州各賜三千碩陝虢兩州賜四千碩委州長吏即於度

支計會請受差公清仁恤之吏與縣令親至村閭隨便

給付仍加勸課勿失農時應諸倉所有遠年粟麥宜令

節度更分二萬碩京兆尹即差官逐便般載賑賜貧人

後漢安帝紀詔以宿麥不下賑賜貧人先盡鰥寡孤惇目下不濟者務令

均給全活流庸嗚呼朕德之不敷誠之不感上帝降割

書弗弔天降割于我家蔡注言丁寧厥躬詩上帝不臨我不為天所恤降害于我周家

丁我躬傳丁當也集傳引或說云與其耗數元元何辜

下土寧使夾害當我身也與此詔引用同意元元何辜

史記文帝紀以全天下元元之民索隱曰戰國策云制海內子元元高誘注云元元善也又案姚察云古者謂人云善人也因善為元故云罹此灾害思欲拯救未知

其方長人之官寄任斯重所宜極慮與我同憂勉敷惠和以育疲瘵佇聞良術稱朕意焉

賜將士名奉天定難功臣詔

續通典唐元宗平內難賜衛士葛福順等

為唐元功臣不過十數人德宗駐蹕奉天及幸山南賜從駕立功將校為元從奉天定難功臣谷口以來元從將士賜名元從功臣及僖昭頻年播遷功臣差多至後梁後唐徧及戍卒非賞也

典也

國家受天明命平一字內自武德迄於天寶百四十載

海內無事崇德廣化澤浸生人時洽和平俗登富教鯨

寡孤獨咸得其所鳥獸魚鼈亦罔不寧

書暨鳥獸魚鼈咸若

凡今

有生實賴亨育羯虜伺開

後漢吳漢傳論戎羯喪其精膽注羯本匈奴別部分散居

其上黨武鄉羯室因號羯胡

盜起幽燕率土之人莫保性命肅宗以

神武戡大難

唐書肅宗紀祿山反元宗避賊行至馬嵬父老遮道請畱太子討賊元宗許之

先

謂代

以仁德紹興運區域再造

唐書郭子儀傳子儀破安慶緒收東都入

朝帝遣具軍容迎灞上勞之曰國家再造卿力也

億兆再康室家離析而復安

子孫煦嫗而相長

樂記天地訢合陰陽相得煦嫗覆育萬物注氣曰煦體曰嫗疏言天體無

形而降其氣以養物故云氣曰煦地體有形故云體曰嫗

勞來安集

詩序鴻雁美宣王也萬民離散

不安其居而能勞來還定安集之至於矜寡無不得其所焉

垂三十年則我列聖之

於天下惠澤深矣朕以寡昧祇膺寶歷

隋書煬帝紀詔曰朕肅膺寶歷

纂臨萬邦常恐不克負荷罔敢怠荒道有未明事多乖謬羣

情壅而不達大信鬱而不彰兩河之間羣盜連禍朕務

除大患靡憚暫勞西京賦暫勞未逸無為而治是以興有征之師問

干紀之罪昨以涇原士徒將赴汝郊失於撫綏致使潰

叛注見制卷朱泚乘釁因構異圖肆其狼心誘我蠢賊謂

君可叛謂天可欺縱恣凌悖無所愧畏朕失守宮闕出

次郊畿九廟震驚萬姓奔駭內省思咎外顧懷慚罪實

在予不敢自蔽意者宗社降祐大儆於朕躬夙夜殷憂

劉琨勸進表或多難以固庶乎有補實賴股肱心膂書

邦國或殷憂以啓聖明

牙今命爾子翼作股肱肱心膂蔡注膂脊也勵從戎之節方岳將校集勤王之

師赴難如歸見危思奮堅貞勵操何日忘之平巨猾者

必仗羣雄北史酷吏傳序大賞茂績者不限彝典晉書

傳歷司內外保勳庸於帶礪傳爵邑於子孫崇功美名

與國終始其諸軍使應到奉天縣將士等宜並賜名奉

天定難功臣食實封者子孫相繼代代無絕身有過犯

遞減罪二等子孫有過犯遞減罪一等當戶應有差科

徭役一切蠲免其功臣已後雖衰老疾患不任軍旅者

當分糧賜等並與全給身死之後回給家口十年勿絕

如有能梟擒朱泚者

說文曰至捕梟磔之從鳥頭在木上

即以朱泚在身

官爵受之仍加實封二千戶朱泚所有田宅財物悉並

充賜其梟擒賊大將已下并節級特加優寵仍各與實

封應梟擒人所有田宅財物亦使賜之其餘立功應合

授官給賞並準今年七月敕處分其今日已前身死王

事者追贈官爵亦稱奉天定難功臣子孫為功臣之家

應合襲封減罪蠲免差役等一切同例宣告中外令知

朕懷建中四年十一月二十三日

改梁州為興元府升洋州為望州詔

顧炎武曰知錄漢曰郡唐

曰州州即郡也惟建都之地乃曰府唐初止京兆河南二府武后以并州為太原府元宗以蒲

州為河中府益州為成都府肅宗以岐州為鳳翔府荆州為江陵府德宗以梁州為興元府惟

興元以德宗行幸於此其餘皆建都之地也通鑑音注開元中定天下州府自京都及諸都督

護府外以近畿同華岐蒲為四輔鄭陝汴懷衛絳為六雄宋亳滑許汝晉洛魏相為十望又

有十緊其後入緊望者浸多凡商寧青汾貝趙襄常宣皆望州也蔡徐鄆楚鄂彭蜀為緊州不

及十數又以汝號鄭汴魏洋蘇為雄蓋升雄望者既多所以緊不及十

自昔多虞

左傳以晉國之多虞北齊書儒林傳疆場多虞戎車歲駕

順時而動古公

避狄

詩疏謂之古公言其年世久古後世稱前世曰古公猶云先王先公也

兆永祚於岐

下

史記周本紀古公亶父復脩后稷公劉之業積德行義國人皆戴之熏育戎狄攻之已復攻民皆怒欲戰

古公曰有民立君將以利之今我狄所為攻戰以吾地與民之在我與在彼何異民欲以我故戰殺人父子而君之予不忍為乃與私屬遂去豳渡漆沮踰梁山止于岐下豳人舉國扶老攜幼盡復歸古公于岐下于是古公乃貶戎狄之俗而營築城郭室屋而邑別居之作五官有司民皆歌樂之頌其德注徐廣曰岐山在扶風美陽西北其南有周原高帝徙蜀建雄圖於漢中前漢蕭何傳沛公既先定秦項羽後至欲攻沛公沛公謝之得解羽遂屠燒咸陽與范增謀曰巴蜀道險秦之遷民皆居蜀迺曰蜀漢亦關中地也故立沛公為漢王而三分關中地王秦降將以距漢王漢王怒欲謀攻項羽何諫之曰雖王漢中之惡不猶愈于死乎漢王曰何為乃死也何曰今眾弗如百戰百敗不死何為周書曰天子不取反受其咎語曰天漢其稱甚美臣願大王漢中養其民以致賢人收王蹟用巴蜀還定三秦天下可圖也漢王曰善乃就國王蹟所興子孫是奉觀遷居於遐阻知致君之艱難矧天下

為家不常厥邑王者所至四方會同

周禮春官大宗伯時見曰會殷見曰

同崇號設都於是乎在朕遭罹寇難播越梁岷

綱目集覽梁岷

今成都府古梁州也今西和古岷也故曰梁州溫江縣西二里有岷江故曰梁州

丞庶煩於供

億左傳寡人惟是一億二父兄不能供億武徒勤於扞衛凡百執事各奉厥

司人皆競勸物以豐給嘉乃成績書厥有成績紀于太常子懷不

忘今大憝已除京邑甫定將旋法駕展敬園陵眷於是

邦復我興運宜其崇大以示將來古者天子省方則問

耆老卹百姓禮記歲二月東巡狩至于岱宗柴而望祀山川觀諸侯問百年者就見之命大師陳

詩以觀民風命市納賈以頌慶賜以茂勳勞用宏布觀民之所好惡志淫好辟

澤之恩式慰來蘇之望書后來其蘇改梁州為興元府其

署置官資望一切與京兆河南府同南鄭縣綱目集覽南鄭漢中

郡邑今興元府理縣三國魏孫資曰南鄭直為天獄中即此一統志南鄭周褒國附庸之邑名鄭桓公歿于犬

戎其民南奔居此升為赤縣諸縣并升為畿縣通典唐赤畿望

縣有國曰南鄭緊上中下六等之差京都所見在州縣官各令終考秩

治為赤縣京之旁邑為畿縣

至考滿日放選依本資處分者壽與板授五品官後漢楊賜

傳念官人之重割用板之恩注板詔書也仍並賜緋先已賜緋並賜紫典正

等各賜勳五轉百姓除先減放稅錢外更給復一年洋州宜升為望州見任州官亦並令終考秩并諸縣官等

各減兩選唐書選舉志凡一歲為一選自一選至十二選視官品高不以定其數因其功過而增損

之無選可減者各加三階應山南西道節度下將士唐書

方鎮表至德元載置山南西道防禦守捉使廣德元年升為節度使尋降為觀察使建中元年升觀察使為節

度使興元元年兼興元尹通鑑音注山南西道節度領梁洋集壁文通巴興鳳利開渠蓬十三州除扈

從迎駕已經改官者餘並即與甄敘嗚呼古先哲王東

征西怨顧予不德重於勤人後漢章帝紀追維先帝撫

勤人之德底績遠圖心咎已良增愧歎宣示有衆明知朕懷

